

# دِل اُفّار گانی، سنکینے

ذاکر ظہیر



بلوچی اکیڈمی  
عدالت روڈ کویٹ

[www.balochiacademy.org](http://www.balochiacademy.org)

(c) All rights are reserved.

اے کتاب ۽ درائیں حق گوں بلوچی اکیڈمی ۽ انت۔  
بید۽ اکیڈمی ۽ رضاء کس اے کتاب ۽ یا ایثی ۽ بہرے چھاپ کت نہ کنت۔

دل اُفار گانی، سنکینے

(شاعری)

ذاکر ظہیر

2023

ISBN # 978-969-680-190-0

نہاد: =/200 کلدار

بلوچی اکیڈمی ۽ اے کتاب ذکی پرنٹنگ پریس کراچی ۽ چھاپ کنائینٹگ ۽ ہنگ کنگ۔

## نامدات

ہمابے چراگیں لوگانی نامء

کہ

مدام پہ زگریں وپیاں زر آنت

## لڑبندی

- 1 ..... دو گپ پہ ذاکر ظہیرؔ شاعریء
- 5 ..... ہر زُلبِء نمیرا نہیں طلب زعفران بہ بات
- 7 ..... مئے خیالانی تھا کہ گُزنگیں آہو چر آنت
- 9 ..... بے چراگ ء سفر ترا ولایت راہی ء
- 11 ..... ملکز اریں زنداوستانی کسانیں رہسہرے
- 12 ..... چراگے بال مہرانی بدئے رُژنئے تہاری ء
- 13 ..... عطاءء ہمسو ہیں ارواح ء نام ء
- 15 ..... شپ و دارانی گنا ہے ششنگیں
- 17 ..... بیا کہ انسرتگیں ارواح ء طلب آس مہ بیت
- 19 ..... شپ ء پہ مہر سینگاراں سبہ ء ملکز اریناں
- 20 ..... مسکاپ راستیانی دزمال چیر سو تکیں
- 21 ..... میتگ ء سنگ ء بُتال پھم ات من ء
- 22 ..... آزمان گندیں بہاراں گلزمین نازیگ ء انت
- 24 ..... ہر میتگ ء بگند گس ء بے تواری انت
- 26 ..... بیا کہ تی واہگ ء استین شلیت آس مریت

- 28 ..... دید دزپش آنت ہر گسے دروازگے
- 30 ..... بیاجہ زربارے گسد گواریں سبابانی سمین
- 32 ..... زامریں دزچکاں گیابے آس جانے پوشتنگ
- 34 ..... گوات زبہریں سہاے سماریت روج مہ سوچیت ارواحے
- 35 ..... زعفران درنزیں شپے ارواح سُچیتے روج بیت
- 36 ..... ہر موسمے راموسم مسکاپ مینگے انتے
- 37 ..... پیادگ شہسوارانی اولاکے پیچگرگ لوٹیت
- 38 ..... کاروانے منتگیں راہانی آسرچارانگ
- 40 ..... پیادگ توکلے بورے سوار انتے
- 41 ..... نگاہاں واب باہینتنگ
- 43 ..... در اتلگ ماہچہ عہدانی گباراں
- 45 ..... کپوتے دل گیا میں نارگے انتے
- 47 ..... تئی سہریں انارکافی سرے پلے سرپینگاں
- 49 ..... شپے سینگاربتنگ بازار انچو
- 51 ..... بینگیں دیوان ساہگے لوٹیت
- 53 ..... دلے بلبل کہ دوشی نارگی اتے
- 55 ..... بیا کہ ہر پاسے شپانی زامریں زلپے گوشاں
- 56 ..... راستیانی گزنج بیتنگ بینگیں دیوانے
- 58 ..... دلے اے آزمان گندے دلے رود بیتنگ نازینکے

- 59 ..... انجھیں دَورے باند اگیت جرّے قیمت دُنیا بیت
- 60 ..... دزچکاں ساہگ نادیتنگ
- 62 ..... دل ۽ نگہبان در ۽ بہ بندیت
- 64 ..... پاس چراگاں جو شینتنگ بام جلکشیت آدیچکاں
- 65 ..... اے اوست ۽ منگیس بازار ایتکیانی گیا بانے
- 66 ..... ماہ کند گانی بز مشے گزیوان ۽ دور دنت
- 68 ..... دزچک ۽ داراں ساہگ نیست
- 71 ..... جی، آر ملّاء ممت ۽
- 73 ..... برے اے شعر ۽ زبیر قصہ کار آنت
- 75 ..... شب ۽ کیف ۽ خماراں بوت چراگے
- 77 ..... دورکت ۽ گلیں بروان، دوچم کندگی بنت
- 78 ..... گزنگ ۽ آس جگرمان بہ کتیں
- 80 ..... ما ستنگیں زمانگ ۽ راہ ۽ روان اتاں
- 82 ..... اگاں ٹیگیں گیا بانے گلیں تڑمپے ۽ دریا بیت
- 83 ..... گیشتر رُ دیت ہوشام آپے کہ آس بیت
- 85 ..... نوداں زہیرے، تزا نگے شنکیتنگ سباء
- 87 ..... دل چراگ ۽ چو کندگی بوتیں
- 89 ..... پاشینگ ۽ پہ ساہ ۽ اشکر چنگ نہ بیت
- 91 ..... اے چراگ ۽ رُ زن چوماہ ۽ نہ انت

- 93 ..... دز نزیگ قصہ شبِ گوات ء منی
- 95 ..... ساہگے سار انت اے درء دیوار
- 97 ..... میٹگی مُر گانی انجیں چاگلے ء مان کُتیں
- 99 ..... آساہگ ء ابیریں دیوال شمشنگ
- 101 ..... ہر درد منی سُننگلیں ارواح ء کش ء انت
- 103 ..... قطر ہے ء ہو رگواریت دزے مسک ء زعفران
- 105 ..... چو کہ قند ہاری آثار ء ہر انار کے پُستنگ
- 106 ..... زہیرے، تزانگے، نئے کہ خمارے
- 108 ..... شبِ بچار گیں ارواح نگاہاں واب گججان انت
- 109 ..... قصہ نو کتریں رنگ ء بنت
- 111 ..... تراول وٹش بنت پادانی
- 113 ..... تئی دز اہسانی کیپ نگاہاں خمار بنت
- 115 ..... شبِ چراگ ء مٹت ء باندات بیت
- 116 ..... حُد اگندیں نگاہانی یقین انت
- 118 ..... سگارے میٹگیں ہوناپ میناں
- 120 ..... او گاریت دل غم ء دریا ء کپنگلیں
- 121 ..... دل ء ارمان زپتیناں
- 123 ..... کُو ہے رُدیت زندء متاہانی رہسہر ء
- 125 ..... واہگ ء کور ء کُننگے رُستگ

- 126 ..... آرس دیارے پیدا اک انت
- 128 ..... کش سمین زربار مولے تالان
- 130 ..... گوات ۽ نیت آنگر بیت
- 131 ..... کسمانکی رنگ
- 136 ..... نگاہاں بز مش منی، نے دل ۽ قرارے بیت
- 137 ..... اے درد آبدمانیں قراراں کجا بکنت
- 139 ..... پیشنگیں گمانے منی ساہ ۽ بہ کپتیں
- 141 ..... مردے ۽ پہ گلگ شُشت من ۽
- 143 ..... تاک رتچیں موساں بلے نہ دیست من ۽
- 145 ..... چراگیں نوبتے ۽ غم اگاں ماہ ۽ بہ زرتیناں
- 146 ..... بہ متکیں آس دریا ۽ دُرئیں دُنیا چراگے بُوت
- 147 ..... الطاف ساجد ۽ یات ۽
- 149 ..... چیدگے بازار بندیت الوتانی راہے ۽
- 150 ..... دریا ۽ گلزمین دَنز ۽ گباراں ات
- 152 ..... دُرچک ۽ داراں منگہیں واب ۽ خمارے لوٹنگ
- 153 ..... اے آپ ۽ دیم ۽ بینگیں ہوشام رتک ۽ شُشت
- 154 ..... اے دہر ۽ شُشتگیں ملگور سمینیں حاجتے داراں



## دو گپ پہ ذاکر ظہیرؔ شاعریء

شاعریء باروا گپ جنگ گزان انت۔ اصلء شاعری وانگی، گوش دارگیء مارگی چیزے، باید انت مردم چہ شاعریء بس وٹشی بہ زوریت، آئیء تامء گران بہ کنت۔ ہما جزبگء مارشاں ماران بہ کنت کہ شاعرء درانگاز کنگ انت۔ شاعریء بابتء گپء کہ کنت۔ گپء نے نیست ہم۔ کسے اگاں جُست بہ کنت کہ شاعری چہ جی ء؟ گڑا ہمنچو تشریح ء تک ء گچین کیت کہ اے گپء و پد رنہ بیت کہ شاعری چہ جی ء، ہے جُست گارء سر بنگ بیت کہ شاعری چہ جی ء؟

گوشگ بیت کہ شاعری لہتے رہندانی سرء بیت، بلے اگاں چارگ بہ بیت وتی راجد پترء شاعریء ہچ رہندمان نیاؤرتنگ، اے گپء ہم وتی جاہء چچک انت کہ شاعری از مے، ہمک از مء وتی کچ ء کیل ء وتی راہ ء رہند ہم بنت بزاں کہ پہلکس بے رہندیء گنجائش ہم نیست۔ ہے رہند ء بے رہندیء نیامء اوشنگء شاعریء سرء گپ جنگی انت ہمیشکہ گوشگ بیت کہ شاعریء بابتء گپء جنگ گزان انت۔ ذاکر ظہیرء وتی کتاب ”دل اُفار گانی، ہنکینے“ داتگ کہ ایثیء بابتء دو گپء بہ جناں۔

”دل اُفار گانی، ہنکینے“ء ہواریں دستونکانی وانگ ء پد، مردمء سما بیت کہ ذاکر ظہیرء شاعری آوڑیں شاعری ء نہ انت کہ بلوچی زبانء گیشتر کنگ بیت۔ مئے گیشتریں شاعر گوں لس مہلوک ء لس رہند ء گپء کنگ ء جہد کن انت ء آہاں کہ جزبگء مارشانی تجربہ ء بیان کنگی بیت گڑا ہمک چیز ء پد ء چچک کن انت

وانوک ۽ دست ۽ دینت۔ ذاکر ظہیر ۽ شاعری اے وڑیں شاعری ۽ نہ انت ماں  
اے کتاب ۽ انچیں شعر انت کہ کساں کسانیں جزبگ ۽ مارشت، ابید مز نہیں تک  
۽ گچین ۽ بس لہتے کیفیتانی نیمگ ۽ اشارہ کنان انت۔

بے چراگ ۽ سفر تراولیت راہی ۽  
اوست ۽ پلپیں دیار گیر گیت آئی ۽

تپس ات انت زنیپیں دلانی اعتبار  
راستی ۽ بازار گدانے پُرسشتگیں

نوبتانی بستگیں ماڑی تڑپ انت  
نیست چراگے گڈک ۽ انگت من ۽

بُرز ۽ شعراں لہتے موتکانی اشارہ انت۔ ہا کیفیت انت کہ بنی آدم آہانی  
بندیک انت۔ یک انچیں دیارے ۽ زہیر انت کہ اود ۽ شاعر ۽ اوست بندوک انت،  
یک انچیں زنیپیں دلے ۽ اعتبار انت کہ دزوگ ۽ شرنگاں گپتگ ۽ نوبتانی ہما گلگ  
انت کہ اود ۽ زندگی گڈکانی تہا ز نزرگ ۽ انت۔ اے شعرانی تہا ہما چیز کہ من ۽  
دوست بوت آہمیش انت کہ ذاکر وتی زند ۽ تنگی ۽ تڑپشی ۽ بابت ۽ جاک ۽ سلوات ۽ نہ  
انت، بس وتی کیفیتاں گوشان انت کہ شاعری ۽ لوٹ ہمیش انت۔

شاعری ۽ بنداتی دور ۽ ہمک شاعر وتی تب ۽ مزاج ۽ گیشینگ ۽ حاترا جہد  
کنت۔ ”دل اُقار گانی، ہنکینے“ ۽ سر ۽ چمشانکے دیگ ۽ گوں زانگ بیت کہ ذاکر ظہیر

شاعریء حیا لانی جمالیاتی درانگازء متوگر انتء مدام جہدء انت کہ گوں نوک نوکیں  
چہرء شُبینء ترکیب سازیء وتی شعر اں بستارء باندات بہ دنت۔

زعفران شنز وکیں پاسانی چڑ کہ پزشتگ انت  
جمہراں چہ ماہ دراتلگ مینگیں دیوانے ء

دل ز نیسیں حاجتانی دیوان ساہگ ء بیت  
ہمساہگے اگاں مئے وش آتکی ء بیاتکیں

بہار میچیں اے عہد ء موسم ء را  
گیابان ء بدن سینگارگی ات  
زعفران شنز وک پاس، دل ز نیسیں حاجت، مینگیں دیوان، بہار میچیں  
عہد، گیابان ء بدن ء ابید ذاکر ظہیر ء گور ء آزمان گندیں بہار، درد پاہاریں شپ  
”دوڑہ دیستگیں واب“ ء وڑیں ترکیب گندگ بنت، چہ آہاں زانگ بیت کہ آکجام  
راہانی رند گیر انت۔ جدیدیت ء ہمار ہند ء شعر گوشگ ء واہگ دار انت کہ آئی ء بنیاد  
عطا دشا ء منیر مومن ء ایرکتگ۔

عطا :- عہدانی جگر عہد ء غماں تزا کینتگ

عطا :- اے شاعریں ارواح ء زہیر نازینتگ

اشارہی در شاندا ب ء عطاء اثر ء ابید ذاکر ظہیر ء شعرانی تہا شاعریء  
بازیں رنگ ء جہت پو لگ بوت کن انت کہ خام دزو شم ء شنگلنگیں وڑے ء انت۔

چو کہ آئیء گورء لبز گنجے است کہ و ہدء ہمراہیء گیش ات کنت، شاعریء  
از مکاری پیش دارگء تو ان، کہ انگتہ نہ گیشنگ بلے کم کم ء در آرگ بوت کنت،  
شعری زیر (غنایت) انچیں بنگپ کہ زندگی ء تزندیں تاڑء تیلانکائی برورد انت،  
شعری زیر ء سبب ء تب ء سرء گزان نہ انت۔

درد پھاریں شپانی روح حونیت سینگ ء

بے نصیبیں لاپ ء اندوہ ہر کس ء رنجینگ ء انت

گوشگ ء مطلب ایش انت کہ ہما در شاندا ب ء ذاکر ظہیر شعر نبشتہ کنت ماں آئیء  
ہمک بنگپ شعری جمالیات ء اتک کنت۔ پریشی ء جہد ء یک درج ء جہد پکار انت۔  
بازیں زانیکارانی گوشگ انت کہ ”شاعری اسل ء جوانیں شعر گوشگ ء کوشت  
انت۔“ اے کوشت ء مردم گیشتر ناکام بیت کم تر سو بین۔ ہمیشکہ کتاباں شریں  
شعر کمتر انت، تڑپل، بے کار ء سطحی شعر گیشتر انت۔ منی دل ء جوانیں شاعر ہما انت  
کہ شریں شعر گوشگ ء جہد ء دزکش مہ بیت۔ ذاکر ظہیر ء شعرانی وانگ ء مردم  
زانت کنت کہ آجوانیں شعر گوشگ ء جہد کنگ ء انت۔ مئے واہگ ہم ہمیش انت  
کہ ذاکر ظہیر ء جہد آپسے سر بہ بنت۔

شرف شاد

23 / اپریل 2018 کراچی

## O

ہر زُلمِپ ۽ نمیرانیں طلب زعفران بہ بات  
 قولیگ ہر متاہ ۽ سر ۽ زندمان بہ بات

رنگانی گُبار دزنزیں شپ ۽ چمّ روک بنت  
 سہبانی ہر گلاس ۽ تہا شہد مان بہ بات

سینگارگانی نوبتے زیر شلمان کنت  
 عہد ۽ انارکاں دلبریں رنگے رچان بہ بات

تئیگیں موسمانی تہا رنگ مٹ بنت  
 دریا پہ حاجتے ۽ پدا سر گران بہ بات

ہر منزل ء چراگے ء آواز سمہیت  
دنیا کہ تہاری ء غماں انسران بہ بات

کُوکُو رنج آنت گوش ء گیابان ء آلم ء  
ہر دزچک کپوتانی اگاں پاسبان بہ بات

ذاکر اے جیڑگانی تہا آس درکپیت  
ہر دل کہ وتی اوست ء پدا بِن گران بہ بات

\*\*\*

## O

مے حیالانی تھا کہ گُزٹگیں آہو چرچر آنت  
شینک ء استال دیگرانی چو چراگ ء زیر آنت

سُتگیں شہر ء غماں کہ شتتے سوتے بہ جنت  
گوش بازار ء ہے بہ بینگیں اوست ء زر آنت

کوش مسکانی اگاں نوں دُژمنی پہرے بہ کنت  
ایوکیانی شپ ء دمبرتگیں ڈیوا مر آنت

آزمان ء گلزمینے داگ ء تیروگاں گنگ  
انگہ دزچکاناں مروچی نوبت ء زیور پر آنت

شب گِدارانی سفر کہ زعفران شنگاں بہ کنت  
 مُرگ سہبانی در ء زیرتگیں حالے بر آنت

ہستیانی تَن ء آندوہ دیدگاں گیشتر بہ بنت  
 بُرگ ء راہانی روج ء زگریں ساہگ دم بر آنت

پُشتگیں زند ء متاہاں نَزّ کار آنت دامن ء  
 بلّ ذاکر سر گنوکاں انچیں جاہے سر گر آنت

\*\*\*



## O

بے چراگ ء سفر تراولیت راہی ء  
اوست ء پلّیں دیار گیر گیت آئی ء

سگّ سازیں دل ء صبر بینگ بہ بیت  
ماہ شپ ء سینگ ء شنگیت زیباہی ء

آپرے ، کُڈّ کے ، نے کہ ساہگ بزیں  
سوچگ ء انت من ء روج تہنائی ء

درد انسر تگیں بڑگی زیریت  
شادہی پد دڑہیت واب دنیائی ء

شوانگے در بہ روت بے شناسیں لداں  
ساز بندیت وتی چند ء بیگواہی ء

مُر تلگیں دڑچک سہبانی میتاپ بنت  
دو شگیں جمبر ء گورتگ باگواہی ء

پتلگیں نان ذاکرؔ نصیب ء مہ بیت  
گُزنگی پیلوشیت عہد ء شیداہی ء

\*\*\*

## O

ملگزاریں زند اوستانی کسانیں رہسے  
دل کہ سبزیت چو بہار ء آس گواریت جمبرے

گلزمین ء سینگ ء چہ شیر درگیت یکبرے  
بینگیں سسا بہ ساجیت جُہد کاریں رہبرے

آس سزپنگ بے زبائیں دلوتانی کہچرے  
گے شدگیں اُشتران پہ کاریت گز ء گیشترے

منزل ء راہ ء نشان دنت راہ شناسیں پد گرے  
منزل ء نزیک ء شنگیت دزاہیانی زیرے

واہگ ء آپ ء بہ دزیت سرگنوکیں بزگرے  
تیوگیں راہ ء مسافر تُن ء بند انت چادرے

رپتگیں دوستانی دور ء یات گیحیت شاعرے  
نگرہیں باندات ء اوست ء پھر بندیت ذاکرے

## O

چراگے بال مہرانی بدئے رُژنے تہاری ء  
 شپ ء رگاں بہ چکّیت دل قرارے پہ قراری ء

ودار ء ماہ ء جوہان ء گُباریت آزمان نیلیں  
 کجا دل رہسے چاریت نگلیں دور ء باری ء

زہیر ء رُتگیں پلاں کُشیت ء حنجرے حونیت  
 رگاماں بیر گزندوکیں شلینگ آس لیاری ء

منی وابانی ہنکین ء تی روح ء بشارت بیت  
 زروکیں آگہی مارا زَرینیت بے تواری ء

ہدوکیں نوبت ء زیمر بہ سُمبیت دزچکے ء گوشاں  
 کپوتے شپیگیں پونز ء وتی سُمبیت ساری ء

## عطاء ہمو ہیں ارواح نام ء

عطا :- بہ جزم کہ دل ء ترانگنی زیم گد انت

عطا :- بیچارگی ء دامن ء مئے ارس بد انت

عطا :- اے بینگیں سہبانی بدن مسک زریت

عطا :- بیوانکی ء چاگرد ء دگہ سنجے بھجیت

عطا :- سرستنگیں مرگانی گدو ہے دزنگ انت

عطا :- قندھاریں انارکانی موسے رنگ انت

عطا :- آتاریت گیابان ء جیڑگانی سمین

عطا :- بانداتے دگہ کاریت بہار میچیں زمین

عطا :- اے منتگیں روچانی پشدر ء آس انت

عطا :- بدواہ کہ منی ملک ء تنگلوئیں براس انت

عطا :- گیابائیں نگورِ دیم ء سگار شہم گر انت

عطا :- اے سلّیں مکسک جان ء منی حوناں ور انت

عطا :- پارگیں زمستان ء دوزہے باینت

عطا :- اومان جتیں شن تلاراں رودینت

عطا :- پیشنگیں دُرچکانی تماہ زیان نہ بنت

عطا :- اے درد منی باطن ء درشان نہ بنت

عطا :- عہدانی جگر عہد ء غماں تراکینتگ

عطا :- اے شاعریں ارواح ء زہیر نازینتگ

\*\*\*

## O

شپ و دارانی گناہے شستگیاں  
گوات ڈوباریت چراگاں کُشتگیاں

ملگزار دابیں دیارے نشتگان  
ہر متاہ پلے زمین ء کِشتگیاں

جمبراں دریا گدارے بوس اتگ  
آپ آورتگ نہنگ ء دُر شتگیاں

تپس ات انت زبیبس دلانی اعتبار  
راستی ء بازار گدانے پُر شتگیاں

گوات بارتیں میتگے انچیں پد ۽  
زند ۽ ارمان ۽ مُراداں دُرُشتگیں

تیوگیں مُرگاں زہیری نالتگ  
زندگی شعرے عطا ۽ گُشتگیں

گُزنگی ذاکرّ بلائیں جیڑھے  
دل زہیر پتگ سبارگ ، سرُشتگیں

\*\*\*



## O

بیا کہ انسرتگیں ارواح ۽ طلب آس مہ بیت  
بیا کہ ملگوراں سبہانی شپے پل گوپیت

بیا کہ مارشت زدیں دل مئے ندرگ لوٹیت  
بیا کہ گیابان ۽ دُرئیں مرگاں سبارگ لوٹیت

بیا کہ بیوانکی ۽ پیشگاہ ۽ سُرئیں سازے بدئے  
بیا کہ شپ درنگیں چراگ بینگیں آوازے بدئے

بیا کہ استال شپ ۽ دُرہی ۽ پیغام ۽ زر انت  
بیا کہ ہر گزنگ ۽ لوگانی دُناں گوات بر انت

بیا کہ دل پُرتگیں کونجانی سفر دیم ۽ انت  
بیا کہ اوفار دل ۽ شیشگانی نیم ۽ انت

بیا کہ دروازگاں بازار ء چتگ دنز ء گُبار  
بیا کہ ہر گریٹگیں دیدوگاں گیابان ء خمار

بیا کہ استین شلیت مُرتگیں کاہانی سر ء  
بیا کہ شنگ آنت کپوت پلّ متاہانی سر ء

بیا کہ سیاہ مار ء گُش آنت مرگ جلیں تریاکے  
بیا کہ ہر موسم ء لُنٹانی متاہ مُزواکے

بیا کہ ہر نیم ء حیالانی بُجیت سنج ظہیر !  
بیا کہ لوٹیت سبہانی بدن مسک ء ابیر

## O

شپ ء پ مہر سینگاراں سبہ ء ملگزاریناں  
بے واگیں کینگ ء مرچی اولاک ء زہر چاریناں

سمین مسکانی زیبائیں بہ سوچیت دامن ء مہر ء  
رچنت ارسانی مُر وارد نگاہاں بے تواریناں

منی وابانی پیشگاہ ء چراگے روک بیت انچیں  
اگاں ماتے بہ نازینیت وتی بچاں مزاریناں

کجام سر گوشتگ ء قصہ نبشتہ زعفران ء بیت  
کجام عہدانی راہی ء دل ء راہ ء وداریناں

کجام مہگونگ ء گوشتگ گلاس ء شہد سر رتگ  
کجا نوں تستگیں ساہ ء بلورے آس بہ واریناں

چہ زربار ء پتو ذاکر بہارگاہے سر ء کشتیت  
اے حال ء سیر لگیں ڈن ء گیاہاں آشکاریناں

## O

مسکاپ راستیانی دزمال چیر سوتکیں  
بے جیڑگ ء بگندے دل سینگ ء دراتکیں

ہر شپ ء دشت ء کیلگ میتاپ پد ء بوت انت  
کوبانی شیر زگریں دزچکاں اگاں بہ متکیں

دیوانگیں شدیک ء دوئیں چم سارت بنت  
عہدانی شیکن ء چہ چنڈے نگن سرتکیں

دل زبیبیں حاجتانی دیوان ساہگ ء بیت  
ہمساہگے اگاں مے وش آتکی ء بیتکیں

ذاکرے شپ گروکیں جمبر کدی نہ گوار انت  
دو تڑمپ ارس سہب ء دروازگ ء بہ رتکیں

## O

میتگ ء سنگ ء بُتاں پھم ات من ء  
سرگنوکی ء شِگانے جت من ء

چو پلار حُشکیں ڈگارانی نصیب  
بُرَتگ گوات ء شِیگگ ء پَرَوَت من ء

شپ گِدارانی سفر آسان بات  
تورگ ء انت اندر ء حاجت من ء

مہیرانی گوپتگیں پنگ ء تہا  
موسم ء چو و شبو ء شنگ ات من ء

نوبتانی بستگیں ماڑی تڑپ انت  
نیست چراگے کُڈک ء انگت من ء

گزیوگانی مُرتگیں جگرے رُدیت  
یل بہ دنت ذاکر گِدارے وت من ء

## O

آزمان گندیں بہاراں گلزمین نازینگ ء انت  
 کوش لگوراں شپانی مسک ء بوہاں مینگ ء انت

سُتگئیں شہر ء متاہاں گوات شنگیت پلو ء  
 بڑگی ء آس انگہ بڑگی ء سینگ ء انت

دِستگئیں وابانی آدینک ء جہانے دیت ما  
 آگہی دزچکانی حُشکئیں روتگاں میسینگ ء انت

لولیانی بینگئیں زیر رچان انت میتگ ء  
 مہیں ماتے کہ بیچ ء گوانزگ ء چنڈینگ ء انت

نے کہ مُرگانی توارے ، نے کہ انسان ء پدے  
 اے گیاب ء مُرتگئیں ء دل من ء تَرّینگ ء انت

درد پابا ریں شپانی روج خونیت سینگ ء  
 بے نصیبیں لاپ ء اندوہ ہر کس ء رنجینگ ء انت

ماہ در آتنگ راستیانی ریتلگیں دَنز ء مُجام  
 ہر کسے پوشاکاں دزوک ء پہ وڑے مٹینگ ء انت

موسمانی گردش ء ہوشام زگریں مٹّ بنت  
 گیپ سہبانی مروچاں چو کہ شیر ء بینگ ء انت

پہ جنکی کنگ ء بچندگاں ذاکرّ مُدام  
 سربنگ عہدانی مرچاں سنگ ء سر میڑینگ ء انت

\*\*\*

## O

ہر میتگ ء بگند گیس ء بے تواری انت  
سر گر کہ موسمانی کپوتے وداری انت

پلگار ء شود گزیتگیں چمانی بُندر ء  
روزردگ ء اے گوات کہ تبد ء لواری انت

ہر بینگیں انارک گدینیت زہرگ ء  
ہر تلملیں لقاء ء بگندے اناری انت

دمبرتگیں چراگے ء ہوشام تلملیت  
بچکندگانی بزمش گلاس ء چکاری انت



دروازگانی عکس نگاہاں نہ دیستگ انت  
 ہر نیمگ ء پہ زند ء اُمیت ء تہاری انت

مارشت جوشیں باطن ء آواز ء درکپیت  
 دل زینیں مارگانی تہا گُژن واری انت

ذاکرے دپارے نان کچک ء را ہم رسیت  
 انسان ہر متاہ ء غم ء بے قراری انت

\*\*\*

## O

بیا کہ تئی واہگ ءِ اِستین شلیت آس مریت  
گُڑنگیں شہر ءِ کہیب نان پچیت آس مریت

واب باہینتگیں ارواح ءِ تماہ گیش بہ بنت  
آگہی زامریں دڑچکانی سزپیت آس مریت

شپ حیلانی زدگ نگرہیں نازینک بہ جنت  
ماہکان گونگ ءِ اندام ترپیت آس مریت

درد باہندیں منی زہرگ ءِ جوشانی سمین  
زاپریں زُلمپ ءِ نوان ءِ چے گوزیت آس مریت

ملگزار دایں دل ء اوست مراگہے کنت  
 رہرے بینگیں گشتانک گوشت آس مریت

ساچے پُر مہریں بہ بندیت جمبری شنکے  
 زند ء بیوانکی ء پرام پُرشیت آس مریت

زعفران سنجین بہارانی بدن شالا ظہیر !  
 داگ ء تیروکاں شمالانی نہ بیت آس مریت

\*\*\*

## O

دِید دَرِپِش اَنتِ ہر گس ۛ دَرِوازگِ ۛ  
 داتِ مستاگے من ۛ را ماژگِ ۛ

سَرِ گَرِ اَنتِ شہرِ ۛ کپودرِ اِنشپِ  
 سَرِ پتگیں گیابانے ۛ شوہازگِ ۛ

گوانزگی نازینکِ گوشاں سَرِ نہ بنتِ  
 چمّ بہ رُوسِ اَنتِ دل بہ ریزیتِ آژگِ ۛ

گواتِ ارواحِ ۛ سُرینیتِ دامنِ ۛ  
 اُسترے چو کہ بہ بیتِ جماژگِ ۛ

نوبت ء تلکاریں لُنْثانی مَتاہ  
 کَندگے لوٹ اَنت گلابیں تازگ ء

میتگ ء دَمکاں تہاری سَر رِچیت  
 ماہ ء گُبارے کہ بہ بیت اَمبازگ ء

دِنیّا تئی شیدائی ذاکرَ چِچ نہ بیت  
 نِندگ ء پہ حُشکلییں پَندل سازگ ء

\*\*\*

## O

بیا چہ زربار ءِ گسِد گواریں سبہانی سمین  
بینگیں باندا تے لوٹیت گواڑ گانی گلزمین

ماہکان سر رتگلیں دَزاں شپانی گار بیت  
روح درگیت رنگ مٹیت سہر تڑیت چو کہ تین

دیدگاں بُڈّیت گوشے روزردگ ءِ ساہگ بزیں  
داگ ءِ تیروکاں بہ سگّیت عہد ءِ نازاکیں جبین

آسن ءِ سہریں بہ ٹپّیت بیگومیں زند ءِ متاہ  
آس پوشیت ملگزارے بے اُبتانی یقین

مے متاہانی بشارت سُرگیں پاسے چہیت  
 وپتگیں واب ء من ء کہ گیر بیاریت ماہ جبین

جیونی ء شنگیں مہپر مُتے ء گواپ بنت  
 زعفران کشتہ نگوریں ریگزاراں یاسمین

بال کن انت کوہانی شاتل دراہیانی دامن ء  
 ذاکر ء ارواح مداریت اوست میلانکیں یقین

\*\*\*

## O

زامریں دزچکاں گیباء آس جاناء پوشتگ  
 ما کہ دوزہ دیستگیں وابانی مانا پولتگ

سکّیانی روچ زگریں اوست کندگ ایر شتگ  
 ما کہ ہمارہے پہ منزل راہےاء ہمراہ گنگ

دل ہما تورشت ہننگیں جیرگاں چہ در شتگ  
 غم کشار میتاپ دوشی دیدگاں واباء رتگ

سستگیں بندیک عشقء دراہیاں مان گیسٹگ  
 مارگانی جوش لہڑیں باطناء پولنگ چتگ

من ہما نادراہ فقیریں جان گندل پر چتگ  
 چو زدگ آوازیں شاتل ہر سباہاء نالتگ



ٹپ ۽ ٹوریں بند ۽ بوگاں داگ ۽ تیروک سگتگ  
 زگریں خونانی تریبیزک گلزمین ۽ شنزتگ

ہیر گواریں موسمانی شپ سرا کہ شنتگ  
 تیوگیں مرگاں گیاب ۽ رنگ لُناں مارگ

سلیں ندرگ بزگی ۽ ہر گس ۽ من چارتگ  
 دل تپاک ۽ ناتپاکی مردمانی مارگ

ہلکہ ۽ ہمسارگاں مارا ہے بہتام جتگ  
 دُر شتگیں گندیم چنکے گزنگیں ذاکر زتگ

\*\*\*

## O

گوات زبہریں ساہ ء سماریت روج مہ سوچیت ارواح ء  
 بلّ ء کپوتے چّماں خماریت روج مہ سوچیت ارواح ء

بینگ بینگ سہب ء انارکاں قطرہ قطرہ سر رتگ  
 میتگ میتگ زلپ گباریت روج مہ سوچیت ارواح ء

جنگل جنگل سارت زمستان کوہاں زگریں دوشان انت  
 بزگل بزگل زنک نیاریت روج مہ سوچیت ارواح ء

گریتگ گریتگ باز نگاہاں ، شن جہانے اوگاریت  
 زیر زیر درد شہاریت روج مہ سوچیت ارواح ء

سرگر سرگر وہد نہ اوشتیت پادا ذاکر توکل کن  
 منزل منزل راہ وداریت روج مہ سوچیت ارواح ء

## O

زعفران دزنزیں شپ ء ارواح سُحیت ء روج بیت  
لولیانی مرتگیں پلے سزپیت ء روج بیت

اوست ہنکینیں قرارے گژنگ ء واب ء بہ بیت  
سرتگیں نان ء بروسہ تملیت ء روج بیت

نگرہیں سہب ء متاہ ء مئے ہدوکی برجم انت  
چو کہ دژچکے ہرگس ء دیم ء رُدیت ء روج بیت

درد باہندیں کپوتانی تماہ موچکین بنت  
گلزمین ء تراولیں دل زیریت ء روج بیت

بے چراگیں بالوہانی شپ سر ء لیٹیت ظہیر  
باطن ء آواز چٹال در کپیت ء روج بیت

## O

ہر موسم ءِ را موسمِ مسکاپِ مینگ ءِ انت  
گوات ءِ سگارِ مریچی آس ءِ گدینگ ءِ انت

مورینکِ رچیتِ چرپیںِ پیشگاہ ءِ نگورِ دیم ءِ  
ہر چمِّ حدا گندیںِ درنگانیِ بینگ ءِ انت

ہر سُرگیںِ شپ ءِ را بانداتےِ عجبِ گونِ انت  
ہر سُهَبِ متاہانیِ دردےِ ترہینگ ءِ انت

نیمِ مرگیںِ کشارانیِ سچکانیںِ سدیتِ ارواح  
ہر بلبلِ ءِ کہ باگ ءِ پلےِ ہزینگ ءِ انت

غمِ نالیںِ کپوتانیِ نازینکِ سرپیتِ لُنٹاں  
ہزامِ گیابانِ ءِ ہنّیِ رجینگ ءِ انت

ذاکرِ نصیبِ ءِ شیکینِ حاکاںِ کدی نہ کپتنگ  
انگتِ حدا مئے لوگ ءِ نانےِ رسینگ ءِ انت

## O

پیداگ شہسوارانی اولاک ء پچگرگ لوٹیت  
من ء بیچارگی ء پہ وتی چند ء مرگ لوٹیت

بہار سنجیں سبہانی کپوتیں دل گرگ لوٹیت  
زہیری نالگاں گٹ ء شپ ء اشکر کنگ لوٹیت

رگ بے اوستویں شہر ء بہار گاہے چرگ لوٹیت  
شپانک ء سرتگیں نانے گیابان ء ورگ لوٹیت

کجام دروگانی پہر ء اے بیاریت ساتگیں سُرگ  
کجام راستی ء چم ء را زریں ارے شنگ لوٹیت

تہاری ء شپ ء ارواح سر ء کشیت دگہ نیمے  
وت ء را نگرہیں بام ء پد ء اوست ء سچک لوٹیت

## O

کاروان ء منتگیں راہانی آسر چاراتگ  
 ما کہ در ملک ء بلوچیں ہر مسافر چاراتگ

شہسوار سالار دوشی درشتگ کل ء وتی  
 پیادگیں مرداں مروچی دشت ء کلبہ چاراتگ

ما پہ کل ء شادہاں جوشینگ انت خونانی خون  
 تو پہ کل ء سوچگ ء اوں آس ء انگر چاراتگ

شے مرید ء بزتگیں داگانی تراول ذراہ نہ بنت  
 حانی ء آدینک مہر ء میریں چاکر چاراتگ

تو پہ ناکو زتکی ء اوست ء کہ سر ساتگ منی  
من مدام ء پیڑکانی یکیں حاتر چاراتگ

ما کجام زہم ء جنیں پہ گلزمین ء موگک ء  
ما کہ دڑیں مہجانی زلپ ء زانسر چاراتگ

زہیر نالیت شانتلیں دل سٹلگیں سرشاہے ء  
سکلیانی روچ زگریں ما کہ ذاکر چاراتگ

\*\*\*

## O

پیداگ توکل ء بور ء سوار انت  
چراگے بال کہ دنیا تہار انت

شپ ء را اوست ہنکینیں قرارے  
چہ سہب ء بینگیں لُنٹاں پکار انت

شپانک ء رتگ انت چٹانی تزونگل  
بہاراں گلزمین ء زہیر وار انت

جنگ نازینک باگانی کہیراں  
کپوتے موسمانی دزگوہار انت

اے عہد ء تیوگیں بازار ء ذاکر  
زدگ بنیادمانی اعتبار انت



## O

نگاہاں و اب باہینتگ  
 وت ء را راہے رُمبینتگ

شپانی بینگیں قصہ  
 چراگاں روج وانیتگ

تپو بانداتے پیداک انت  
 ترا مات ء کہ نازینتگ

زمین ء کودکیں ارواح  
 سگاراں خون میچینتگ

مروچی درائیں انسان ء  
 وت ء پہ آس روڈینتگ

من ء زہگانی لیبوہاں  
کسانی یات پرینتگ

زریں ارسانی بچکنداں  
جگر عہدانی تراکینتگ

امیت ء مہلبیس سہب ء  
شپ ء را گژن گوازینتگ

من ء را نوبت ء ذاکر  
پہ دزوگیں مہر ریپینتگ

\*\*\*

## O

در آتگ ماہ چہ عہدانی گُباراں  
وطن پھریزینگ مے پاسداراں

رچیت رنگانی زیبائی زمین ء  
سزپیت بینگ گیابان ء بہاراں

شپانک ء چم گُژن ء در بیا آنت  
نہ پنڈیت میتگ ء چرپیں دپاراں

شکاری باطن ء جیڑیت پہ دردے  
کجا پہ شانتلاں موچکین بیاراں

سفر بے واہگ ء تاوان بار انت  
کجام راہ ء نگاہاں ملگزاراں

تو دڑوگ ء درتگیں پوشاک دوتک انت  
من راستی ء کجام چم ء بہ چاراں

پتو مستاگے کار انت وهد ء موسم  
تئی کہ کندگاں گزیوگ ہواراں<sup>1</sup>

\*\*\*

## O

چپوتے دل گیا ہیں نارگ ء انت  
 ایتکیں مردے پجارگ ء انت

شُدیک ء گژن لاپ ء ایر بُرتگ  
 جلیں اُفارگاں باکارگ ء انت

چراگاں رژن بازار ء شَلینتگ  
 تہاری میتگے مان دارگ ء انت

اُبتانی گسد گواریں سباہے  
 شپ ء ہیسکارگاں گوش دارگ ء انت

ہدوکیں نوبت ء تلکاریں لُنٹاں  
 زروکیں موسے سینگارگ ء انت

دل ۽ پيشنگين زيماء بگندئ  
 هڊوڪي ۽ جهانئ مارگ ۽ انت

چئ ترس ۽ بيرگوارين جمبراني  
 گيس ۽ كسئ وتي نزارگ ۽ انت

سفر بئ منزليں راهاني ذاکر  
 چئ دور ۽ ساڳئ پيش دارگ ۽ انت

\*\*\*

## O

تئی سہریں انارکائی سر ۽ پلّ سرپتگاں <sup>1</sup>  
 من چو گیاب ۽ سنگ ۽ گوشتے آس تپتگاں

اے حشکیں سرڈگار ۽ دل ۽ ینگی شتگ  
 ویرانگانی درچک پد ۽ آپ کپتگاں <sup>2</sup>

مہرانی منی دیستگیں وابانی آسر انت  
 من کہ شپانی گرتگیں ملگور گوپتگاں

دل زنیسیں گزپوگانی توارے رُدان بیت  
 زیر دیاریں مرگ گیابان ۽ رپتگاں <sup>3</sup>

<sup>1</sup>۔ سرپتگ انت۔

<sup>2</sup>۔ کپتگ انت۔

<sup>3</sup>۔ رپتگ انت۔

حائر زبہریں موسم ء باہینگ اعتبار  
 من چہ نگاہاں سُرگیں عہدانی کپتگاں

ذاکر اے گُزن ء راہ ء دل ء آبلہ گد انت  
 دُوریں ولایتے ء گوشے سر من گپتگاں

\*\*\*



## O

شپ ء سینگارِتگ بازار انچو

دل ء پلگارِتگ بازار انچو

طلب سُهب ء نگاہاں نود بندیت

زرے اوگارِتگ بازار انچو

پہ لاپ ء تیوگیس انسان گزیونت

نگن بیپارِتگ بازار انچو

شپانک ء درد واری بہ نہ ساجیت

گیابے چارِتگ بازار انچو

گڈیتنگ موسم ء زمیانی و شبو  
 دُرہیں آتارنگ بازار انچو

کپوتانی جگر بُریں توار ء  
 گوشے نزارنگ بازار انچو

سفر بے واہکیں شہر ء نصیب انت  
 من ذاکر مارنگ بازار انچو

\*\*\*

## O

بینگیں دیوان ساہگے لوٹیت  
بے دریں انسان ساہگے لوٹیت

مُر تگیں دڑچکاں یا حدا میتّاب  
بزرگیں دہکان ساہگے لوٹیت

دلبریں شینکے کُلمبر ء بندیت  
سُرگیں بولان ساہگے لوٹیت

مردے ملکی رہسرے دیستگ  
بے سر ء سامان ساہگے لوٹیت

آسن ء ٹپیت سہرگیں ورنّا  
بے دموک ، سندان ساہگے لوٹیت

قصّے حونانی نبشتہ بیت  
 حنجرے سوہان ساہگے لوٹیت

غم زدگ آواز اندر ء جیرٹیت  
 دل گل ء شادان ساہگے لوٹیت

تیوگیں دریا زیریت ذاکر  
 تیگیں گیابان ساہگے لوٹیت

\*\*\*

## O

دل ۽ بلبل کہ دوشی نارگی ات  
من ۽ ارے پہ جند ۽ گوارگی ات

دل ۽ را بینگیں باندات ۽ اوست ۽  
جگر سوچیں زہیرے مارگی ات

شپ ۽ دم بُرتگیں ارواح ۽ دیم ۽  
من ۽ زُپ ۽ بروسہ دارگی ات

بہار میچیں اے عہد ۽ موسم ۽ را  
اگرانی بدن سینگارگی ات

زبہریں لیبوہاں چہ زہگ مرچی  
پت ۽ راستیں کش ۽ ہیسکارگی ات

من رتپاں میتگ ء بازارے انچیں  
امیتگی ، بیوسی ، بیچارگی ات

تو انچیں رنگے ریتگ گلزمین ء  
ترا لٹاں زمانگ سارگی ات

زروکیں نوبت ء آدینک مارا  
امیریں رہسرے ء چارگی ات

من ء پہ گٹنگیں برواراں ذاکر  
نگن دُوریں دیارے آرگی ات

\*\*\*

## O

بیا کہ ہر پاس ء شپانی زامریں زُپے گوشتاں  
شیر درکاراں مروچی سُرگیں کُہاں دُرشتاں

تیوگیں دریا جگر بُریں زہیرے زیمیرت  
تنگیں عہد ء انارکاں چول ارسانی پُرشتاں<sup>1</sup>

پہ چراگاں مسک دزنزیت گوات سُبہانی مدام  
ما کہ شہر ء ریتلگیں دنز ء تہاری ء کُشتاں

مہیلی نودے مہ شنزیت گلزمین ء دامن ء  
اے نمیریں موسمانی پُلّ ء وشبو پیشتاں<sup>2</sup>

تاجگیں خون ء متاہ کہ ہر گلاس ء سر رچیت  
حاک ء وشبو ء وتی ہم مُرگ جیگی ء مُشتاں<sup>3</sup>

نوبت ء لُوٹیت جیڑگ آشنائیں ترانگے  
ذاکرّ وتی دیوانگیں حال ء تہا من انچوشاں

<sup>1</sup>۔ پُرشتاں۔

<sup>2</sup>۔ پیشتاں۔

<sup>3</sup>۔ مُشتاں۔

## O

راستیانی گرنچ بٹنگ بینگیں دیوانے ء  
 قطرہے ہوشام ریتنگ بینگیں دیوانے ء

مُرتگیں آس ء کُٹینیت موسمانی اعتبار  
 گُزنگ ء ایمان پتنگ بینگیں دیوانے ء

پُشتگیں دروازگے گوات ء سمار ء تلوسیت  
 سوچکی ما چیر سٹنگ بینگیں دیوانے ء

سُتنگیں گیابانے ء لُٹاں سرپیت بچکندگے  
 بلبل ء پُٹے گُروتنگ بینگیں دیوانے ء

ہر چراگ ء سَمبہینگ ملگزاریں یتگے  
 ہر شپ ء دَزال دوتنگ بینگیں دیوانے ء



مِسک دَر نَزیت وِشّیانی بُتَلگیں زِیمر گوِشّے  
 غمِ دل ۽ چہ دُور تَتَلگ بینگیں دیوانے ۽

زِعفران شَنزَوکیں پَاسانی چڑکھ پُرشَتگ اَنت  
 جَمبرال چہ ماہ در اَتَلگ بینگیں دیوانے ۽

دوشی ذاکرَ مییگانی گُژن واری ۽ وتی  
 قِصّہانی جان پَر تَلگ بینگیں دیوانے ۽

\*\*\*

## O

دل ۽ اے آزمان گند ۽ دل ۽ رودیتنگ نازینکے  
 بہ گندیت ماہ ۽ رُخساراں بروسہ شہتمیں آدینکے

گلابانی گلگ آرسے شلگ لوٹیت پہ بانداتی  
 بہ چونڈیت عہد ۽ ارواح ۽ ملوریانی موریئکے

بدل بیت چوکہ پوشاک ۽ زمین ۽ رنگ دیدوکاں  
 اے دریا ریکسرے بیاریت چمکیں ٹک ۽ کرکینکے

ہزار معنا شکر شنکیت شپانی دستگیں وابے  
 کپوتاں دڑچکے ۽ پاد ۽ نگاریں داگ پادینکے

اے دہر ۽ گژنگ ۽ ساہ ۽ تہاری دیدگاں کشتیت  
 مہ بندیت چادر ۽ لمب ۽ پہ باندا آرت ۽ پتکینکے

کسانیں ساہگے بس انت من ۽ پہ ننگ ۽ ذاکر  
 اے زیر بینگیں وہد ۽ کہ بستیں لاگریں شینکے

## O

آنچیں دورے باندا گیت جرّ ۽ قیمت دُنیا بیت  
 چمے سُرنگ ، چمے حاک ، چمے گزویوگ زیبا بیت

دشت ۽ بالی مُرگاناں مارے آنچو گیت ۽ وارت  
 آنگر سبزیت گیابان ۽ تنگ دُرّائیں دریا بیت

قطرہ قطرہ اَرسانی ساہگ دَرچکاں پیلاشیت  
 گزندے آنچیں دَرپشان کنت دل چہ ساہ ۽ گستا بیت

بنگ دَمکاں تالان بیت وہاں گواتے درمانیت  
 منزل دَرپشیت دیدوکان رہسر لُنٹاں رُژنا بیت

تزانگ ساہ ۽ پاشین آنت آدینک رنگ ۽ مٹائیت  
 ہر گس مرگ ۽ تَرس ۽ کہ چند ۽ لوگ ۽ تہنا بیت

سینگ آنچیں اوفارے ذاکر لوطیت بانداتی  
 گام پہ گام ۽ آنچو کہ سکی مارا دیما<sup>1</sup> بیت

## O

دڑچکاں      ساہگ      نادیٹنگ  
 مُرگاں      کوکو      روڈینٹنگ

مَجگ      ء      زگریں      جیڑگ      مان  
 گوات      ء      دست      ء      مہرگ      مان  
 وشبو      واب      ء      ٹوہینٹنگ

موسم      زگریں      چلگ      بیت  
 دُوریں      ہلکے      جلگ      بیت  
 وہد      ء      مارا      تاجینٹنگ

دریا      ربتگ      گیابان      ء  
 تے      کپتنگ      گیابان      ء  
 تاساں      چمگ      ہلینٹنگ

جیڑاں      جیڑاں      آر سے      باں  
 آنچو      سٹکاں      آر سے      باں  
 آس      ء      معنا      گیشینٹنگ

روح ء ساہگ مہمانے  
 وہماں نیست انت دَرمانے  
 دل پہ کنگد سہڑیتنگ

آنچو سٹنگ بازارے  
 ار سے ریتنگ بازارے  
 دردال دنیا کچینتنگ

مردم دانکہ زندگ بیت  
 دنیا زیبا گنگد بیت  
 چٹماں آدینک نازیتنگ

ذاکر منزل ، ہمارے  
 صبر ء تہمبل ہمارے  
 سر ما دیگے جوشینتنگ

## O

دل ۽ نگہبان درء بہ بندیت  
 اے عہد ۽ آدینک من ۽ نہ گندیت

آ دزچک ۽ ساہگ کجا پناہ بیت  
 کپوتے دُردانگیں بہ بندیت

ابیریں منزل نگاہاں بزمشیت  
 اے کشک بیجاں وتی بہ رندیت

ندارگانی زمین سبزیت  
 مئے گزنگی ۽ حدا بہ گندیت

ما نوبت ۽ را چراگے داتگ  
 ملوریں گوات ۽ سر ۽ نہ کندیت

جہاں واہاں بکنت بینگ  
 رگام چمّ ۽ گیس ۽ نہ گرندیت

مئے جان ۽ گوشتاں زمین وارت انت  
 مئے ساہ ۽ پلّ ۽ جہاں بہ سندیت

دل ۽ را ذاکرّ قرارے میناں  
 ملوریانی تہا بہ کندیت

\*\*\*

## O

پاس چراگاں جوشینتگ بام جلکشیت آدینکاں  
دل متاہاں پاشینتگ بام جلکشیت آدینکاں

نود نگاہ ۽ ہوشام ۽ نوکیں نورے سینگار آنت  
کار حداء ۽ ٹاہینتگ بام جلکشیت آدینکاں

مِسک ابیریں گیابان ۽ چمّ تچّ آنت پہ وش آتکے  
مُرگ گدوہاں واپینتگ بام جلکشیت آدینکاں

گیپ زروکیں ارے ۽ رنگ نمیریں قصہ بنت  
درد سرون ۽ نادینتگ بام جلکشیت آدینکاں

شینک ۽ استال رنگانی رولہ شنزیریں سنجہ بنت  
ماہ ۽ زیر رودینتگ بام جلکشیت آدینکاں

ذاکر مرگاں تئیسگیں دریا دُرائیں ایر بُرتگ  
گُژن ۽ اشکر شنگینتگ بام جلکشیت آدینکاں



## O

اے اُوست ء منگھیں بازار ابیتکیانی گیابانے  
نے کہ بچکندگے شہیت نے کہ دڑپشیت مہکانے

اے تَن ء دیدگانی نور مُلُوریں ساہگے بُرتگ  
اے گُژن ء چاگلے داتگ گُلیں راہ ء نگہبانے

اے عہد ء دیستگیں واباں نگاہ ء رنگ مٹینتگ  
کُجا ارواح ء سائیت مئے گُلیں پاسانی درمانے

چو دڑچک ء موسم ء انچو وت ء را گیمیرینتگ کہ  
نے کہ بندیت دُنیں شینکے نے کہ زُلیپانی ساچانے

اے چمانی ہدوکی مئے نمیریں آر سے بنت ذاکر  
انارکے دلبریں گند آنت کجانی نے کہ بُروانے

## O

ماہ کندگانی بزمشے گزریوان ء دور دنت  
گرمگ ء نژکاریت زمستان ء دور دنت

ماشیشگانی زگریں غماں کیسگ ء کناں  
دل کہ متاہ ء ارے گلستان ء دور دنت

دروازگانی چمّ ندارہ کنگ نہ بنت  
آکہ پہ نانے لوگ ء نگہبان ء دور دنت

لازم نہ انت کہ مارا چراگانی غم بہ بیت  
بلے تہاری کُنڈے ء مہکان ء دور دنت

امروز ء تہلیانی دُرعیں گیپ بنت ہلاس  
آ آنچیں گپے بینگیں دیوان ء دور دنت

زُلمِ ۽ اَبيرِ نودے مہ شنزیت پہ من ۽  
 مارا ہے ہدوکی نقصان ۽ دور دنت

اے مُرتگیں شپانی ارواح بہار بیت  
 روچ کہ نمیریں دردے منی جان ۽ دور دنت

چو شُشتگیں پلانی داب ۽ کہ سمہیت  
 سُنکھ سریں زمانگ ۽ ایمان ۽ دور دنت

گس ۽ نہ زانتگ اندر ۽ اُقارگانی گوات  
 بیماری یے بلائیں ایران ۽ دور دنت

ذاکرہ جبر مکن کہ دیوالاں گوش پر  
 یگے ترا کُشیت ۽ گیابان ۽ دور دنت

## O

دڑچک ءِ داراں ساہگ نیست  
 ہر جاہ چاراں ساہگ نیست

مارا تُنّ ءِ ایر پُروشنگ  
 راہ ءِ گاراں ساہگ نیست

جنگل جنگل بالی مُرگ  
 چنچو ناراں ساہگ نیست!

روح زِر ءِ چہ درکپتنگ  
 چمّ تہاراں ساہگ نیست

شینک ءِ استال ہمراہ انت  
 درداں باراں ساہگ نیست

گوات نہ دژنزیت دژہباتے  
زُپ گُباراں ساہگ نیست

من پہ بہشت ء تَنیگاں  
آرس نہ داراں ساہگ نیست

وہماں دنیا مینتگ  
رنگ نہ ماراں ساہگ نیست

شپ کہ زمستان رنگ ء آنت  
روچ لواراں ساہگ نیست

پاد ء تڑاول زیور بنت!  
درد ہزاراں ساہگ نیست

مرگ ء بہاریں ارواح ء  
موتک بیاراں ساہگ نیست

باریں کدی بیت نازینکے  
ساز ، تواراں ساہگ نیست

ذاکرّ کوش ء و ش آتک ء  
پلّ بہ گواراں ساہگ نیست

\*\*\*

جی، آر ملاء مننت ء

روح ء گلاس ء پڑتک انت شپ ء مہیرانی آپ  
دریا ء ایر بُرت انت گوشے جمّرائی آپ

اے گلزمین ء رُژن گیابانے سرکُتگ  
داتگ چراگاں دلبریں ساہ ء سرانی آپ

تئے سر ء بہ دنت وت ء بینگیں سباہ  
لوٹیت راگوڑے نوں مسکیں درانی آپ

زی رچتگیں پہ منزل ء مُرگانی حاتر ء  
اوشتا تگیں من بار نہ دات رہسرائی آپ

دڑچکاناں گلیں نمبے ء احوالے سر بہ بیت  
تڑمپ تڑمپ ء بنت بینگ بُور ء برانی آپ

اے عہد ءِ زندگی ءِ ہر سُنٹگیں متاہ  
 پرریچگ ءِ اِنْت اُنچو وت ءِ زیرانی آپ

جنت ندرگیں اے نگاہان ءِ شانک دے  
 سُونز بندگ ءِ اِنْت پتو نیلیں زِ رانی آپ

راہانی جگر زیریں ہوشام ءِ ساہگ ءِ  
 آس ءِ تماہ ءِ نوش گت اِنْت سیمسِ رانی آپ

حانی ءِ تزو گلین اِنْت ” داگیں مُرید ءِ غم “  
 وہد ءِ کہ شہد مان گنگ چاکرانی آپ

ذاکر اے میہگانی یل دا تگیں کچک  
 بُو داریں چنگ ءِ اِنْت دمک ءِ درانی آپ



## O

برے اے شعر ءِ زیرِ قصہ کار آنت  
برے آدینکے ءِ چو معنا دار آنت

برے تہنگے ءِ دیدگِ تہار آنت  
برے نیادانی کدہ سَرچکار آنت

برے بیوانکی ءِ چیدگِ نہ مٹ آنت  
برے درد ءِ چڑکہ بے شمار آنت

برے استالِ زمین ءِ لوگِ بند آنت  
برے ماہ ءِ سروں ءِ بے دوار آنت

برے اے سٹنگلیں شہر ءِ کپودر  
برے گیابانے ءِ اوست ءِ پہ نار آنت

برے ہمراہی ء مہرگ کہ دزپش آنت  
برے تہنائی ء موسم گبار آنت

برے دل شادہ ء ہنکین ء ننداآنت  
برے دل تزانگ ء بور ء سوار آنت

برے الہان آنت زند ء باطن ء غم  
برے چو گلزمین ء بے توار آنت

برے نازینک جن آنت اے وہد ء موسم  
برے بانداتے ء پہ آرس گوار آنت

برے آمباز کن آنت ساہگ سباہ ء  
برے ذاکر شپ ء ہیلہ ہزار آنت

## O

شپ ۽ کیف ۽ خماراں بوت چراگے  
سباہ ۽ رنگ آراں بُوت چراگے

تھاری گل ۽ پاڏون ۽ نہ سُت کہ  
دل ۽ را کار داراں بُوت چراگے

شپی ماہ ۽ گش ۽ استال جیڑ آنت  
گے ۽ پہ درد ماراں بُوت چراگے

تنیکہ روج زِر ۽ اندیم نہ بوتگ  
وت ۽ را مانداراں بُوت چراگے

پد ۽ شینکائی آمباز ۽ زَریت دل  
اگاں ساہگ بہاراں بُوت چراگے

دُرئیں دروازگانی چمّ کور انت  
 زمین، دریا ، گُباراں بُوت چراگے

نے کہ ہلوت زروکیں روشندانے  
 نے کہ سَنگہ تواراں بُوت چراگے

درآمد گونگیں شہر ء دیاراں  
 من ء را دوست داراں بُوت چراگے

من ذاکرَ زیرینتگ شعر ء بالاد  
 من ء را گوش داراں بُوت چراگے

\*\*\*

## O

دو رکت ۽ گلیں بُروان ، دو چمّ کندی بنت  
بندا کہ موسمانی لگور رندی بنت

نوں ایر مه بارت دریا بیسکارگانی شن ۽  
اے گژن سگاریں غم ارواح ۽ سنگی بنت

دُعاهانی کده ۽ را ایر ریچاں پد ۽ موتکے  
دردانی اذیرہ ۽ آتار چنڈگی بنت

گندُکی ۽ زَرانت پہ ، گیابان ۽ گلیں دیدگ  
بازارے سُننگیں کہ عمرے ۽ نندی بنت

ما زیرِ نہ کِشته کہ کُننگ بہ رُدیت ذاکر  
ما پلّ مه رودیناں سیاہ پوش زندگی بنت

## O

گُزنگ ءِ آس جگر مان بہ کُتیں  
دُشتگیں دل وتی گیچان بہ کُتیں

زند ءِ نوکاپ بیگے شہزیت  
ماکہ تَن ءِ را ایربران بہ کُتیں

جنگل ءِ دڑچکے شکر دَرزینیت  
مُرگاں گنگانی کہ گیگاں بہ کُتیں

تو چو عہدانی سرپتگیں پلّ ءِ  
آسیں امروز گلستان بہ کُتیں

کندگ ءِ داب ، وشیانی طلب  
کدھے انچو سررچان بہ کُتیں

تاڑ ۽ تیلانک ۽ تہاری ۽ پد ۽  
 مارا احوال ماہکان بہ کُتیں

دیگر ۽ شینک ۽ گُبارانی تہا  
 چو چراگ ۽ مئے زندمان بہ کُتیں

شال آتاریں نوبتے کاریت  
 کچ ۽ گرماگ زمستان بہ کُتیں

باند انت ما پہ گلزمین ذاکر  
 چوکہ دریائے تلوسان بہ کُتیں

## O

ماستنگیں زمانگ ءِ راہ ءِ روانِ اِتاں  
مُرگانی جگر مُودگیں کُو کُو رچانِ اِتِ اِنْت

اے عہد ءِ ملگزاریں متاہنی زگریں غم  
مرگ ءِ من ءِ راکنڈگ ءِ تیلانک دیاں اِتِ اِنْت

وش آتکی ءِ شلیت ندارگ زروکیں تَن  
شینک ءِ چراگ دیگر ءِ مہمان بُوانِ اِتِ اِنْت

بے تہمبلیں شپانی ارواح ءِ شتیں زیم  
سُہبانی چم ءِ زیر ءِ تاہیر گرانِ اِتِ اِنْت

اے شُشتگیں بریکانی مانِ شانتگیں گُبار  
دریائے ، آزمانے گیشتر بُوانِ اِتِ اِنْت



چہ آزمان بزرگ ء مئے رُستگیاں حیاں  
 دُرچک ء کپوت ء ساہگ عمر ء کسان ات انت

واب ء حیاں ء دیت گسانی ما پشت ء دیم  
 بے مہربانی آس ء جاؤ رُدان ات انت

پہ سہریں انارکالی پیشگاہ ء نورے ء  
 استال ء روج ء آدینک قصہ گوشان ات انت

ذاکرہ ! مئے حاجتانی پاشینتگیاں زہیر  
 باریگے ء پہ وٹیں نازینک جنان ات انت

\*\*\*

## O

اگاں تھیگیں گیا بانے گلیں تڑپے ء دریا بیت  
پد ء عہدانی بازار ء مٹوریں رنگ زیبا بیت

ابیریں ساہگے ء را بہ سوچیت رُوج بے گیپ ء  
اے زیر مینتگیں دُنیا ایستکیانی دُنیا بیت

خمارانی سفر چم ء ہدوکی ء نہ سینگاریت  
کسے مٹاپیں راہے ء وتی جند ء شناسا بیت

اے زند ء مڑتگیں ارمان بہاریں نوبتے بیار انت  
جگر مان داشتگیں مڑگے پدے دڑچکانی پاندا<sup>1</sup> بیت

کما نوں سستگیں ہار ء چراگانی پہ وش آتک ء  
بہ رَج چو فاضل ء قصہ شپ ء بیوانکی ملما بیت

دُرئیں اوستانی دروازگ تھا چہ بند بنت ذاکر  
کجام چٹانی آدینک ء لقاہانی تماشا بیت

## O

گیشتر رُدیت ہوشام آپے کہ آس بیت  
بُن گپت واہگ ء نام آپے کہ آس بیت

کِشکانی دست موسم ء بِنی رَجینتگ آنت  
ہمراہے نیکہ ہمگام آپے کہ آس بیت

آ ، دژچک وتی ساہگ ء تسپینیت دائم ء  
انگر چشیت ہزّام آپے کہ آس بیت

یکمشت ء نَزّ کاریت استالاں آزمان  
روح ء رسیت پیغام آپے کہ آس بیت

مہکانی ء را دُرّائیں شپ ء سہت پرمہ بنت  
جیرُ آنت چراگ بے شام آپے کہ آس بیت

ما ایوکی ء دَر دِل ء پِلّ ء مان جتگ  
 مارا نہ بیت آرام آپے کہ آس بیت

ذاکرّ اے گواڑگانی رنگ ء طلب سُچیت  
 تُنّ ء لوار ہیسام آپے کہ آس بیت

\*\*\*

## O

نوداں زہیرے ، تزانگے شینگینگ سبائے  
پوشاک گورے دات من ۽ وہد ۽ وفاء

بروان ۽ سوچن ۽ را عشق ۽ را مان کش  
من دوچاں وتی چاکاں مہرانی قبائے

مئے دژمنی ۽ روج نگاہاں چہ کٹینگ  
قولیگ شپ ۽ باتاں دلبریں آدا ۽

چاڑے زروکیں موسم ۽ ہوشام ۽ مان بیت  
توکہ ہتم ابیریں نودانی ساہگ ۽ ۽

پاسانی دید بزمشیں ماہ ۽ گبار ۽ گون  
آدینک کاریت قصہ شررنگیں لقا ۽

تئی گژیوگ ء بروسه کانچے ء بند بیت  
تو کہ ملوریانی بازار ء کندگ ء ء

ذاکر نمازیانی چیل من دُز ات انت  
تُرسے من ء را نیست ات وتی پاکیں حُدا ء

\*\*\*

## O

دل چراگ ء چو کَندگی بُوتیں  
سوچگی دارے زندگی بُوتیں

ما پد ء نِشتیں سائے اَنجیں  
تیوگیں دُنیا زندگی بُوتیں

دل من ء مِستائے گرگ لوطیت  
مازگے مارا بندگی بُوتیں

موسم ء چاڑے دیدگاں زوریت  
مہیرے مِسکیں زندگی بُوتیں

بے تڑہیں اومان سرگر آنت دیم ء  
مردے مارا گندگی بُوتیں

دل گِلاسانی نیمگ ء چاریت  
 رہسے مارا سِندگی بُوتیں

غم نہ کُت ذاکرؔ جنگل ء مُرگاں  
 ایمن ء شادان زندگی بُوتیں

\*\*\*



## O

پاشینگ ءِ پے ساه ءِ اشکر چنگ نہ بیت  
 نُنّ ءِ بلوریں دیم ءِ وشبو ورگ نہ بیت

اے ہستیانی جان ءِ تو ان یل بدنت من ءِ  
 گژن ءِ را ملگزاریں دیارے برگ نہ بیت

نود ءِ چو سبہانی انگاراں آپ دزنز  
 دل سینگ ءِ بہ ترگیت سیک ءِ جنگ نہ بیت

باندا اے دیدگانی دُرئیں دمک بند بنت  
 دُنیا ءِ اوست ءِ منگہیں ہچیر زرگ نہ بیت

راہ ءِ عطا ءِ مُشکلئیں دنیا سفر بکنت  
 مئے بابا ساحر ءِ نوں گیگان کنگ نہ بیت

دنیا ءِ حاجتانی شکر دابیں مطلب ءِ  
 کوہے پہ دید بزمشے تیلانک دیگ نہ بیت

ذاکر ستر بہ کٹیت بے عمریں کیسگ ءِ  
 جُہلانک بے نیلیں زِر ءِ بے مدگ نہ بیت

\*\*\*

## O

اے چراگ ء رُژن چو ماہ ء نہ انت  
 نِندگی مارا چُشیں جاہ ء نہ انت

دل کُجام دیم ء سفر پندات کنت  
 زِند ء ہمراہ چوکہ ہمراہ ء نہ انت

تو گدینتگ موسم ء زیمیں جگر  
 شاتلے نوں دزچکے ء شاہ ء نہ انت

ما وت ء آدینک ء زند ء چارتگ  
 بزاه منی چو مردم ء بزاه ء نہ انت

شیشگیں ہوشام چّماں چول جنت  
 آپ ء تزپے چاگل ء چاہ ء نہ انت

لڑتے اُنچیں انارکاں سرچنگ  
شیرکئی چو مچکد ءِ ناہ ءِ نہ انت

ما ہزار اُمیت ءِ ناز ءِ زندگاں  
دل فقیریں چو بلے شاہ ءِ نہ انت

آس کپتنگ ملگزاراں ہستی ءِ  
شمس ءِ ہالکو زمین کاہ ءِ نہ انت

شہر سٹنگ اُنچو ذاکر بے متاہ  
راہوڑے مئے منزل ءِ راہ ءِ نہ انت

## O

دزنیگ قصہ شب ۽ گوات ۽ منی  
نان ۽ کپے ایر گنگ مات ۽ منی

حون ۽ ترمپے مان نیست جان ۽ گوشے  
گژن ۽ آنچو زندگی جاتہ منی

نوبت ۽ دروازگ ۽ کبلے بہ جن  
گس مہ اشکنت آہ ۽ پریات ۽ منی

شکے شلیں بہ لگات دیدگ ۽  
دور بدنت زند ۽ غم ۽ چات ۽ منی

گلزمین ۽ حاک مارا گوانک جنت  
مردگے کپتگ گوشے یات ۽ منی

ہر غم ۽ پشت ۽ ودی بیت شادہی  
درد ہمراہ زند ۽ پندات ۽ منی

آندر ء زاناں نہ وش انت دل پدء  
بار دیان انت کسے باندات ء منی

شاتتلیں ارواح جبین ء بال کنت  
گیر میاریت دل عطا شاد ء منی

ریدگیں ہوشام چو پل ء سرپیت  
رنگ تو کہ بے وسی داتہ منی

دُژمنی سوچیت ہزار لوگ ء ظہیر  
دل کچکاں جنگ پر مات ء منی

\*\*\*

## O

ساہگے سار آنت اے در ء دیوار  
مردے چار آنت اے در ء دیوار

چو انار ء کہ پشّنگ دُنیا  
ہرگس ء پہ وت کشتنگ دنیا  
مہر ء چہار آنت اے در ء دیوار

اشکریں دل پہ واہگے باتیں  
مے وفاداری ساہگے باتیں  
موسے کار آنت اے در ء دیوار

ہستی ء پیشگاہ سجدے لوٹیت  
ہر قدم مارا وعدے لوٹیت  
بڑگ ء وار آنت اے در ء دیوار

قبلہ ء بندیت جمبرے انچیں  
 دیدگاں پر نچاں رہسے انچیں  
 منزل ء گار آنت اے در ء دیوار

دل کہ دلدارے ستلگیں بوتیں  
 مہر بازارے ستلگیں بوتیں  
 پُر خریدار آنت اے در ء دیوار

غم چہ مستاگیں ساہ ء گیشینگ  
 ماوت ء ذاکر راہ ء گیشینگ  
 مئے خریدار آنت اے در ء دیوار



## O

بہنگی مُرگانی اَنجیں چاگلے ء مان کُتیں  
 ما تماشا چارتیں ء کُنڈے ء گزیوان کُتیں

دیدگانی گلزمین پہ ہر مسافر وِش بیت  
 دزچک ء داراں سربہ گپتیں ساہگے تالان کُتیں

نوبت ء آس ء چڑکہ آزمان ء لیب کنت  
 مینگے توکہ بہ زرتیں مینگے سوجان کُتیں

پوگسیں لُنثانی ہوشام زعفران تالان کنت  
 کندگانی بزمش تو کہ دیدگاں ریچان کُتیں

اے لواریں سرشپانی گش ء چیل ء روج بیت  
 ما تہاریانی دَمکاں وشبوئے اومان کُتیں

شیشگیں دروازگے ء الوتاں گواڑگ سزپیت  
 پڑشتگیں آدینکے ء چو مُرگے ء نالان کُتیں

مئے وفاداری نگاہ ء راہ ء ذاکر در نہ بُوت  
 ما کہ دہر ء جیگ مرچی موسمی دوچان کُتیں

\*\*\*

## O

آ ساہگ ء ابیریں دیوال شمشنگ  
 ماہ ء کہ چراگانی استال شمشنگ

مرچی من وتی نوبت ء سینگارِتگ بدن  
 مرچی کہ دل ء زیکیں جنجال شمشنگ

اے آزمان مُوتک شلّیت گمبیں دیدگاں  
 بلّ ء کپوتاں پرچہ وتی بال شمشنگ

ہوشام ء مان رُپت من ء واہگ ء گس ء  
 من سور ء وتی دوتگلیں دزمال شمشنگ

بے وایانی راہ ء سفر تہملے زریت  
 ہر درد ء دل ء انگریں چیہال شمشنگ

وش آتکے ء شپانی بازار ء روج بیت  
 دنیا ء سبہانی احوال شمشنگ

ذاکر من ہنچو ہستی ء پیشگاہ ء واب اتاں  
 ہمساہگین شُدیک ء وتی حال شمشنگ

\*\*\*

## O

ہر درد منی سُنٹگئیں ارواح ء کش ء انت  
اے دل کہ وتی واہگ ء ہنکین ء جتا انت

عہدانی چراگ بینگیں آوازے شہم کنت  
اے شپ کہ وتی زلپ ء بروسہ ء سرا<sup>1</sup> انت

ہر کَشک ء کَشٹگیں نوں زیر رُدان بنت  
تئی عشق ء سفر گزیتگیں دیدوکاں بنا انت

ہر دژچک ء میٹگانی وت ء گزویوگی گنگ  
ہر مُرگ گیا بان ء ایٹگی ء تہا<sup>2</sup> انت

ہر حاجتانی سُنٹگیں بازار ء میٹگ ء  
ہر رنگ چو پِیشٹگیں زیمانی وڑا<sup>3</sup> انت

1- سرء۔

2- تہء۔

3- وڑء۔

ہر ساہگ ء لوار ء کہ پاشینتگ زندگی  
 ہر واہگے ء چمّ نوں ارسانی زدا <sup>1</sup> انت

ذاکرّ زمانگے ء متاہانی زگریں رنگ  
 ہر موسے ء سُہریں انارکانی سرا <sup>2</sup> انت

\*\*\*

---

<sup>1</sup>۔ زدے۔

<sup>2</sup>۔ سرے۔

## O

قطرہے ء ہور گواریت دَنزے مِسک ء زعفران  
جِگ عہد ء گیر بیاریت دَنزے مِسک ء زعفران

موسمانی اعتبار ء پُشتگیں کانچے گُش  
سُتگیں جانے لتاریت دَنزے مِسک ء زعفران

شپ ودارانی متاہاں سمبہنیت باطن ء  
روح کہ راہے بہ چاریت دَنزے مِسک ء زعفران

حازر زہریں جیڑگانی موسے ساہیل بہ بیت  
بُلبلے دست ء شہاریت دَنزے مِسک ء زعفران

ہر چراگ ء وٹ زیبائی شلینیت یتگ ء  
ہر شپ ء را بام ساریت دَنزے مِسک ء زعفران

سیاہ شپیں بیگانی دُنیا تیوگ ء آتار بیت  
گوات مرچی پتو کاریت دَنزے مِسک ء زعفران

جنگل ء دَرچکانی ارواح ء گُلّیں سینگارگ ء  
مئے بروسہ مان داریت دَنزے مِسک ء زعفران

قصہبانی رنگ ذاکر ہر کُجا شنگینگ آنت  
ہر نبشتہ معنا داریت دَنزے مِسک ء زعفران

\*\*\*



## O

چو کہ قذہاری انار ء ہر انار کے پِشتنگ  
موسمانی شے مریدیں دل جبین ء تپستنگ

حاجتانی سہب ء دزچک ء پلّ دُرّائیں رتنگ آنت  
دوشی گوات ء مسک بوئیں مہیرانی کشتنگ

اے لو ابر بوہیں شپانی بُتگگیں دَنز ء تہا  
خُڈّکانی نَسْتگیں بحت ء چراگے دزپشتنگ

پُشتگیں دروازگانی پلک وارتگ لُوکاں  
چونیں شہر ء باطن ء ویرانگی ء نکلشتنگ

ہر گس وت ء را نوبت ء آدینک ء ذاکر دِیست کنت  
ما کہ سُرْمگ گدہ میں ہر دیدگے مانکشتنگ

## O

زہیرے ، تڑانگے ، نئے کہ خمارے  
رچیت نمبیتنگیں دَنز ء گُبارے

شپ ء دَرِوازگ ء سینگارگ ء پہ  
سباہانی کپودر بنت قطارے

ایتکیانی جنگل گِیران انت  
سرپینتگ موسم ء آنچیں بہارے

شنت ہر جیرگ ء چٹانی زیمیر  
بلوٹیت دل کجام اوست ء قرارے

آبیریں زُپ ء مسکانی اُمیت ء  
دل ء ہر واہگ ء سوچیت لوارے

گس ء ہر مشکلیں کار ء بہ جیڑاں  
 درا بیت دیدگاں ارسانی ہارے

من ء ذاکر زمانگ گیر کاریت  
 منی آنچیں نمیریں کردگارے

\*\*\*

## O

شپ ۽ دمبر تگيں ارواح نگاہاں واپ گيجان انت  
کپوت ۽ ۽ چو گيا بان ۽ چراگے زهير نالان انت

آبيريں ساہگاني دل چو اير گوات ۽ گلگ ريچيت  
چيا اوشتا تگيں دَنزے گدوہاني نگهبان انت

اے حشکيں موسم ۽ لُٺاں نميريں رَنگے سر ريتنگ  
هے پينگ متاہاني ندرگ مارا اومان انت

دل ۽ هر ميتگ ۽ دَمکاں گلڀيں زيبائي پے شہيت  
جگر سوچيں سباباني انارکاں نور سبز ان انت

کجا تئيگيں دريا ۽ بلورے آس پر ريچاں  
که شهر ۽ گُٺنگ ۽ چماں نگن بيوانکي دل گران انت

اے عهد ۽ سٺگيں بازار گدارے سمہيت ذاکر  
دل ۽ هر دزيگ ۽ را که بلوريں وٺي ۽ مان انت

## O

قصہ نوکتریں رَنگ ء بنت  
 و شبو مہیر ء پنگ ء بنت

تالاں زندگیں مُرگانی  
 کُو کُو دِر چکے ء درنگ ء بنت

توکل کہ پُرشیت پادانی  
 مردم بے وتیں لنگ ء بنت

شہر ء ہر نگاہاں زیبا  
 جنگل رُستگیاں بنگ ء بنت

ترانگ کہ بہ پیچ اَنت ساہ ء  
 دل چو گو تلگیاں گونگ ء بنت

اللہ یک قرار ء اوشتیت  
مردم بس ہزار رنگ ء بنت

شاعر نستگین طالع ء  
دائم گلہ ء زنگ ء بنت

آہاں گلزمین ساڑائیت  
بیران نوبت ء جنگ ء بنت

زیمیر نوبتیں غم ذاکرہ !  
چو کہ تراشتگین سنگ ء بنت

\*\*\*

## O

تراول وٲش بنت پادانی  
نازینک پُرتنگ انت راہانی

چاڑے سر رچیت بیگاہ ء  
آتاریت سمین پیشگاہ ء  
قصہ نوک بنت عہدانی

جمبر شیپ گر انت دریا ء  
بوس انت تیوگیں دُنیا ء  
موسم مٹ بنت رنگانی

دڑچکے زعفران دزنزان انت  
جنگل مُرتگیں سبزان انت  
نوداں شنزرتگ مہرانی

دُرِپِشیت      جیڑگانی      لالے  
 شکل      گونگیں      احوالے  
 کوش      ء      سر      گنگ      سہبانی

آرے      دیدگاں      بادیناں  
 تزانگ      موسم      ء      باییناں  
 نوبت      یل      بہ      دنت      پاسانی

ذاکر      تپستگ      ارمانے  
 زیر      مودگیں      گیابانے  
 گوہر      کپتگ      آنت      ارسانی



## O

تئی دڑاہیانی گیپ نگاہاں خمار بنت  
 مئے کچلیں متاہاں بنگ ہوار بنت

میتاپ دیارانی پد ء ملگزار بنت  
 انسان وٹسانی اولاک ء سوار بنت

تئی بیوسی ء پشت ء ورنائے گوانک جنت  
 مئے بیوسی ء دیم ء دژمن شکار بنت

اے گلزمین ء دوزہی راہانی پاسدار  
 جنت زروکیں واہگ ء راہ ء چہ گار بنت

مرچی تمہا ء سہر سیریں آسن ء بہ ٹپ  
 باندا اے عہد ء زنگی میں سوہان سگار بنت

بے رُژن ء بے چراگ ء دنیا گوزیت ء روت  
 بے مہر ء بے متاہ ء دیدگ تہار بنت

ذاکر مئے مہروانی کُشیت کینگ ء وتی  
 دژمن کہ وتی جند ء گیس ء پہ قرار بنت

\*\*\*

## O

شب چراگ ءِ مَنّت ءِ باندات بیت  
عشق چّماں مردم ءِ پندات بیت

گوات کَشیت پُلّ دِرچکانی رچنت  
بُلبُلے گیابان ءِ کہ بے مات بیت

موسمانی سنگہ ءِ زیر شلنت  
گلزین ءِ دل زہیریں شات بیت

ہر مسلمانیں دلے دعایے بکنت  
مُردگے قبر ءِ غماں آرات بیت

شادہانی ملگزاریں ساعت ءِ  
سکّیانی روج مارا یات بیت

دُژمنی کارے اگاں ذاکرّ بکنت  
تیوگیں بازار ءِ دَمکاں گوات بیت

## O

حُدا گندیں نگاہانی یقینِ انت  
 منی ارواحِ سبہانی سمینِ انت

کلوئٹیں حون ریزیتِ جیونی ء  
 پُنپنگ ء آس گِجیتِ جیونی ء  
 پِ شیدا گُلمین ء یا سمینِ انت

نصیب ء ساہگ ء انگر کنانِ انت  
 زروکیں واہگ ء انگر کنانِ انت  
 ہمک نیم ء لوارگ گُلمینِ انت

دل ء بیچارگی ء مُدّتے بیت  
 منی غم نارگی ء مُدّتے بیت  
 نہ سگّیں زہرگ ء را آپرین انت

نگن تینگ دیارے دُور ذاکر  
 رُدیت کُوہاں بہارے دُور ذاکر  
 زمانگ بے پما سہریں تینّ انت

\*\*\*

## O

سگارے تنگیں ہوناپ میناں  
ازل پیلشتگیں زیے گدیناں

من ء را رپتگیں ساہانی سوگند  
وتی ماتیں دیار ء سمہیناں

شکت مُرواردیں ارسانی جمبر  
بروت دل ناگہانیں مرگ ء دیناں

نصیب ء نگرہیں بانداں ء اُمیت  
نصیب ء مُرتگیں دُرچکے سرپیناں<sup>1</sup>

منی پر بستگیں شعرانی زبیر  
زہیر ء گورگیں کُلے زَریناں<sup>2</sup>

<sup>1</sup>۔ سرپین اُنت۔

<sup>2</sup>۔ زَرین اُنت۔

کلاتیں منزل ء پیشگاہ نہ وشنّ انت  
 کجا زمیںیں دل ء را انسریناں

چراگیں روح بہ بنت اندیم ذاکر  
 تہاری دیدگاں پوشیت دویناں

\*\*\*

## O

او گاریت دل غم ء دریا ء کپتگیں  
 ہر زندگی اد ء ملگورے گوپتگیں

آگاہی زامریں دڑچکے کہ سبز اتگ  
 بے آپیں سرڈگار انسان وپتگیں

دریا ء تڑونگیت ارسانی زیرے  
 گیابانے تلمیت ہوشام کپتگیں

راہانی پاسدار ہر گز رنگ ء کُشیت  
 ما پہ نگن بے بازار نہ رپتگیں

دو چمّ زریت پہ سہب ء ندار گان  
 دو غم شپ ء نہ بیت درمان زپتگیں

ذاکر تئی واہگ ء مرگان زرینت وت ء  
 پہ پل ء گواڑگان باگانی سرپتگیں



## O

دل ء ارمان زپتیناں  
دیارے دُور زپتیناں

اے گُزَن ء منتگیاں راہ ء  
غریب دست ء بہ گپتیناں

تماہ سہبانی سرجم بنت  
شپ ء ملگور گپتیناں

ایتکلیں منزل ء پیشگاہ  
رگاماں گورتگ نپتیناں

آ سلیں نوبت ء گوات ء  
دل ء اندوہ بہ روپتیناں

زِریں      اَرسانی      مُرُوارد  
نگاہاں      دَر      بہ      کپتیناں

زَروکیں      واہگ      ءِ      قصّہ  
یلیں      ہمراہ      بہ      گُپتیناں

\* \* \*

## O

کُوہے رُدیت زِند ء متاہانی رہسر ء  
 آس لگیت زعفرانیں بہارانی بُندر ء

اِستین پیاپیں اَرس نگاہاں شلانا بنت  
 اے گز ء گِشترانی تماہ گِمران بنت  
 دنیا کہ بدنت جور گیابان ء اُشتر ء

مے دُراہیانی شپ کہ پد ء اِسران بیت  
 اے روج ء کہربائیں بدن اِشکران بیت  
 خون شنزیت ملگزارے زباد مالیں دیگر ء

عہدانی شہسوار ء منزل دوگام ء گیت  
 دربار ء واجہانی غلامے سلام ء گیت  
 باندات ء گبار بستگیں نَدیت پَنڈر ء

ہر بیچ ء بڑگی ء گوشت جن پہ قسمت انت  
 ہر مات ء پاد ء چیر ء مُرادانی جنت انت  
 گپتار ء پیڑکافی بہ ساز عمر ء زیمر ء

اے زات ء زنی ء دوشی نازینک پُرشنگ انت  
 چٹانی حُدا گندیں آدینک پُرشنگ انت  
 ہر نیک ء بد ء حال ء حُدا زانت پیسر ء

ذاکرہ کپوتاں دشت ء ارمانے نالتگ  
 باتیل ء زیمیں ارواح درمانے رنجتگ  
 کریابیں سینگ ء ماں تیر وارنگ گوادر ء

## O

واہگ ء کور ء کُنٹگے رُستگ  
 راہ منی سِلّیں رہزناں بَسْتگ

یا حُدا شادہی بدئے مارا  
 مئے ابیتگی ء مَدّے گُوَسْتگ

شپ حیالانی تزاولیں ارواح  
 بینگیں روچانی غماں گزِستگ

گُوچگیں منزل مسک آتار اِنْت  
 مہگل ء سرپہ حاترے رَسْتگ

سَمَل ء دوشی بکملیں آمباز  
 گیر آوَرْتگ توکلی مست ء

دپ سُریت عہد ء سرگنوکے ء  
 رچتگیں وهد ء اول بہ کنت دست ء

## O

اَرس ديارے پيداڪ اِنْت  
 دُور گُبارے پيداڪ اِنْت

منزل منزل نريان تاچ  
 پند ڪتارے پيداڪ اِنْت

روح ءِ جان ءِ مهلب دڙنز  
 شپ ڪه لوارے پيداڪ اِنْت

جر ءِ بُوچاں ڪُنڱڻڱ پر  
 نوڪ بهارے پيداڪ اِنْت

گوات ءِ نيٽ مسڪاپ اِنْت  
 زلپ شپارے پيداڪ اِنْت

سسا ساچيں راه دربر  
 دنيا دارے پيداڪ اِنْت

دنیا دوچیت پندولے  
نقش نگارے پیداک انت

آس ء تزونگل رچوکیں  
دژمن یارے پیداک انت

گژن ء سنگے لاپ ء بند  
پنڈ دپارے ، پیداک انت

ذاکرّ واہگ چنکاں بنت  
آس شہارے پیداک انت

\*\*\*

## O

گشّ سمین زربار مولے تالان  
 موسے مٹیت دیدگیں گیابان

یگے زمینیں دل زہیر ساچیت  
 موسم ء بلّ کہ پہ کہیب ناچیت  
 سمبیت عہد ء پُشتگیں دیوان

گوات سہبانی واہگاں بار دنت  
 شادہی دُوریں جاگے کار دنت  
 سکّیاں اوپار بے دریں انسان

زامریں زلپ ء مادنیں راہ ء  
 روج بدنت زیے امبویں ساہ ء  
 دل زدگ لوٹیت دارو ء درمان



غم شریکے ء نئیکہ ہمرازے  
 نگر میں پادینکاں بہ دنت سازے  
 سبز بنت زند ء مڑتگیں ارمان

کوش ء احوالے سرگنگ ذاکر  
 سرجمیں شہر ء سرگنگ ذاکر  
 منزل ء رپنگ بے سر ء سامان

\*\*\*

## O

گوات ء نیت آنگر بیت  
 وشبو زلپ ء رہبر بیت

دریا چولاں نزاریت  
 درد ء بوجیک ننگر بیت

چنکے گوہر ، تڑپے آرس  
 سہب ء چماں پڈر بیت

نگرئیں سہب ء اُمیت ء  
 منزل ء رهاگ رہ گر بیت

ہچ نہ زانتگ امروز ء  
 بڑگ ء لاچار ذاکر بیت

## کسمائکی رنگ

(۱)

گوئڈو: اماں اے زندگی نہ وش انت بیرگ ء  
 پہ نندگ ء زَرگ دلبریں جیڑگ ء  
 نے لوگ ء جاگے ، کاشی نے کاپرے  
 نے پہ من ء شلیت پینئیں زیمرے

(۱)

ماس: گوہارانی چم ء روک سالاریں بیچ منی  
 اینچو دل ء مہ جیڑ غمواریں بیچ منی  
 ہر مردم ء سر ء حالات گیت چُشیں  
 اللہ ء داتگیں سوگات گیت چُشیں

(۱)

پس: ہر مشکل ء گوزیت زند ء سفر شئے  
 لُٹانی حشکی ء گند انت جگر شئے  
 درگیت چہ باطن ء امبویں ساہ منی  
 چار نیمگ ء گوشئے بند انت راہ منی

(۲)

گوئڈو: بانزل زرنینتگیں دور ء زمانگ ء  
 کدارے مارا نیست مریچی پہ وانگ ء  
 ہر زہگ نوبت ء ٹیچر ء ڈاکٹراں  
 پہ گرمیں نانے ء ما انگت ء زراں

(۲)

ماس: گواتے چہ ملپداں زند ء دریگ ء گیت  
 اے دست پُرشنتگیں بند ء ویتگ ء گیت  
 بچند ء وشی ء زیمر رداں بنت  
 پہ وشیں تالہہ ء سوتے گوشاں بنت

(۲)

پس: ہمراہ کناں وتی ستک ء یقین ء من  
 استالاں پہ شُما کاراں زمین ء من  
 انچیں چراگے باں گواتانی دامن ء  
 رُژنے شلیناں من یاتانی دامن ء

(۳)

گوئڈو: دل انچو رنجتگ اوپار مارا نیست  
 دنیا ء دیدگاں بستار مارا نیست

مارا پہ زَنزرگ دُنیا کُجا رَسیت  
دستے سُریت اگاں سُہر ء تَلاہ رَسیت  
(۳)

ماس: لوٹاں کہ مارا ہم بادگیر ء بان بہ بیت  
جان ء را زندگیں ارواحے مان بہ بیت  
دُنیا ء نازگلیں رنگ ء تہا<sup>1</sup> ہباں  
چہ سُوچنیں غم ء درداں جدا ہباں  
(۳)

پس: اللہ اگاں بدنت کور ء را دو نگاہ  
میتاپ بنت دُرین پیلشنگیں متاہ  
بازارے جوڑ بیت جنت ندرگیں  
ارواح شے تڑہیت تیروک نارگیں  
(۴)

گونڈو: اماں اے زانگ ء چوینیں سماہی ء  
چوینیں ملوری ء چوینیں تباہی ء  
زند ء را است اد ء قدرے نے معنائے  
نورخان ء گشنگیں شعر ء نے گانائے

(۴)

ماس: بابی جگر بُنیں گپتاراں یل بدئے  
 ہر سکی ء وتی کنڈے چگل بدئے  
 مردم پہ غم کنگ نکسانے ء کپیت  
 زیر ہواریں چہ الحانے ء کپیت

(۴)

پس: اللہ بدنت من ء باندا تے کندگی  
 ماہ ء چودریش دنت یا قوتیں زندگی  
 ارس ء شلگ شئے کانچے ء بند بیت  
 اللہ ء عمجتیں مردم پسند بیت

(۵)

گونڈو: اماں اے دل غم ء گیابان ء در نہ بیت  
 بازار ء واہگ ء کارے مئے شر نہ بیت  
 اماں بیا سرگریں ملکہ دگہ رویں  
 بربادیں موسم ء رنگ ء بدل کنیں

(۵)

ماس: شنکوں یلہ دیگ ماتیں وطن نہ بیت  
 بلے کہ زندگی باگ ء چمن نہ بیت

است انتِ حِدايے پہ نيزِ گاريں مردم ء  
 بُونڈاں چہ پادِ کنتِ بيماريں مردم ء

(۵)

پس: ہنی رَجینتگیں دُنیا ء اندر ء  
 پنچیں نہ بنتِ کدی لَنکِ برابر ء  
 یلے امیر ء شاہ ، یلے پکیرِ بیت  
 قصہ گوشاں ہم ذاکرِ ظہیرِ بیت

۹-۱۰-۲۰۲۱

\*\*\*

## O

نگاہاں بزمش منی ، نے دل ء قرارے بیت  
اے انتظار ء تھا زندگی پلارے بیت

اے پیریں مات ء جگر جیڑگے ء زیم بہ بیت  
نے قبرے نام ء منی ، نے من ء دوارے بیت

اے سہب ء انگریں ہوشام سر رچیت لُنٹاں  
گلاساں نے کہ چڑکھے ، نے توارے بیت

اے دیدگانی کجاٹن ء من بہ سینگاراں  
اے آپ ء دیم ء منی بڑگی خمارے بیت

کجام نگاہ ء در ء من دل ء بہ نادیناں  
کجام نگاہ ء سر ء مارا اعتبارے بیت

اے آس ء توک ء درآیگ نون زہرگے لوٹیت  
اے آس ء توک ء زمانگ دجوکیں مارے بیت



## O

اے دردِ ابدانیں قراراں کجا بکنت  
منزلِ سفرِ بکنت ءِ وداراں کجا بکنت

اے آزمانِ نیلیں زرے ءِ مجاں بہ بیت  
اے گلزمینِ زلپ ءِ گباراں کجا بکنت

اے گواتِ گدوہاں کہ دریا ءِ بدنت دور  
اے مرگِ زہیرنالیں تواراں کجا بکنت

اے شوآنک ءِ را گژن وتی دیدگاں بکنت  
اے راجِ میارجلیں میاراں کجا بکنت

اے روجِ چراگاں وتی پادون ءِ بہ ساریت  
اے زندِ کُڈکانی گداراں کجا بکنت

اے انتظار گواڑگیں ارواح ء بہ سندیت  
 اے لوگ شادہانی بہاراں کجا بکنت

اے ہلک بکنت ذاکر آدینکاں گُشانے  
 اے چمّ خمارجاہ ء خماراں کجا بکنت

\*\*\*

## O

پیشنگیں گمانے منی ساہ ء بہ کپتیں  
تئی شار ء ستارہ منی راہ ء بہ کپتیں

منزل منی نگاہ ء بازار ء درپش دنت  
مارا بگندے کار پہ ہمراہ ء بہ کپتیں

ٹن ء ما شینگے ء اندیم کناں وتی  
کپے نگاہ ء باطن ء بیگاہ ء بہ کپتیں

یکّ وابے پچ بہ کپتیں گلابانی دامن ء  
یک دردے زرتیں موسم ء سرجاہ ء بہ کپتیں

درچکانی شونز بند انت گلگ ہرکجا گوشے  
دم بُرتگیں کپوتے نیمراہ ء بہ کپتیں

دنیا ۽ جگر سوچیں جنجال ۽ شدتوں  
 مردم فقیرے بوتیں درگاہ ۽ بہ کپتیں

ذاکرہ تہاری سُنک چراگانی مجلس ۽  
 شہمے کہ کندگانی بانگواہ ۽ بہ کپتیں

\*\*\*

## O

مردمے ء پہ گلگ شُشت من ء  
دیدگاں زرت ء پد ء کُشت من ء

مجت ء انچیں بارگیں راہے  
یکے ء لُنٹ سُرینت گوشت من ء

تو چراگانی اندر ء نِشت ے  
سیاہیں بازارے ء شُمت من ء

کندگ ء داب ء پہ وفا ء طلب  
تو نگاہانی تھا دُرشت من ء

تو وفابانی منتگیں راہ ء  
انتظار انتظار کُشت من ء

زعفران دَرَنز دُرئیں دنیا بُوت  
 تو کہ زُلیپانی تَل ۽ مُشت من ۽

من ہما دَرچک رُستگئیں ذاکر  
 ساہگ ۽ آس دل ۽ مُشت من ۽

\*\*\*

## O

تاک رتچیں موسماں بلے نہ دیست من ء  
شر رنگیں دڑوشماں بلے نہ دیست من ء

ماہ ء گبارے ء پوشاک شُستگ آنت  
مانشا تگنیں غماں بلے نہ دیست من ء

آدینکس حاجتے سینگاراں راہے ء  
چم دیدیں محرماں بلے نہ دیست من ء

دریا پہ نودے ء شنز ء ملار بیت  
پہ ستک ء دلجماں بلے نہ دیست من ء

رنگانی آندر ء آندیے نشنگاں  
دل بُریں مولماں بلے نہ دیست من ء

عہدانی بُلک ءِ قصّہ وتی کُنک  
گمراہیں تورماں بَلّے نہ دیست من ءِ

ذاکرّ من زندگی گیابانے ءِ کُنتیں  
بازار ءِ مردماں بَلّے نہ دیست من ءِ

\*\*\*



## O

چراگیں نوبتے ء غم اگاں ماہ ء بہ زرتیناں  
کپوت ء دزچک راہے ء منی ہمراہ بہ گرتیناں

خُمارے دیدگاں انچیں گلا سے ء پد ء سرریٹک  
شپاریں زُپے ء گوات ء منی بے وابی بُرتیناں

تماشائے رُدیت نوکیں دل ء دروازگ ء دیم ء  
شپ ء ارمان تُنیگیں پُتینک ء دربہ گرتیناں

اے گوات ء بُتلیگیں زیر چراگاں تزان پرماہیت  
زِر ء ہر گُثرنگے ء غم نگاہاں ایر بُرتیناں

اے تُن ء گُثرنگی ء غم من ء چہ گوانزگ ء گون آنت  
من ذاکر چارده ء چلّ ء چرے زند ء بہ مُرتیناں

## O

بہ متکیں آس دریا ء دُریں دُنیا چراگے بُوت  
 اے ویرانی تئی پشت ء منی دیم ء چراگے بُوت  
 اے مُرگانی سفر ہر جاہ بہ ریچ آنت بینگیں کُوکو  
 اے سیاہیں جنگل ء توک ء پد ء زیبا چراگے بوت  
 شپ ء کہ تیوگیں استال وتی پاڈون ء واپن آنت  
 چراگانی تھا انچو گوشے تہنا چراگے بُوت  
 زری نودانی کھپے ء شپاریں زلپے نمبہینتیں  
 وتی گوں سٹنگلیں وٹ ء پد ء ملما چراگے بُوت  
 تہاری ء کتیں قصہ گوں سہب ء سُرگیں چھاں  
 اے حاتر نوبتیں عہد ء ترا لوگ ء چراگے بُوت  
 اے دُنیا جیڑگاں ذاکرؔ ملکسی بانزلے بستیں  
 تہاریانی نیمون ء من ء قبر ء چراگے بُوت

## الطاف ساجدۂ یاتۂ

تئی بینگیں زہیر ۂ راہ ۂ سفر کناں  
چم ۂ چراگ گزیونت بالو حبر کناں

یک زیمے نمپریں رُمبیناں منزل ۂ  
یک قصبے نہ گشتگیں بازار ۂ سرکناں

یک تزانگے وتی من نادیناں دیدگاں  
یک تزانگے گوں سہب ۂ گوات ۂ نپر کناں

یک شانتلے گوں شانتلاں ہرروچ پہ نالیت  
یک تئنے وتی دید ۂ تئن ۂ را پر کناں

یک راہے تئی دید ۂ حاتر من ۂ را بارت  
یک منزله پہ منزل آسر جگر کناں

یک پاسے ء شپانی استالاں زہیر کنت  
 یک یاتے ء بہ جیڑاں دیدوکاں ترکناں

یک ار سے تئی ساہ ء پیم ء چو در کپیت  
 یک ذاکرے زہیریں لوگ ء قبر کناں

\*\*\*

## O

چیدگے بازار بندیت الوتانی راہے ء  
 سر بہ گپتیں مردے ء دلوتانی راہے ء

منزلے ، نے کہ چراگے ، نے درے ، دروازگے  
 زندگی سر سر جنان انت حاجتانی راہے ء

منگہیں وابے ، خمارے دیدگاں اومان گت  
 ساہگے ہمراہ بہ گرتیں نوبتانی راہے ء

غم شریکے ، درد وارے ، اوست مندیں محرمے  
 گون بوتیں گیپ شنزیں لڑتانی راہے

سرگنوکے مارا ذاکر نوکتریں پٹامے دنت  
 دل بہ نشنتیں مدتے ء بے وتانی راہے ء

## O

دریا ء گلزمین دَنز ء گُبار اِت اَنت  
دَروازگانی رنگ ماہ ء نہ چار اِت اَنت

پہ گزیتگیں شپ ء بچَند ء منزل ء  
روکیں چراگے ء اندوہ ہزار اِت اَنت

اِستالاں شینکے ء بانزُل نہ سِستگ اَنت  
آدینک ء روچ کہ گند ء گِدار اِت اَنت

مُرگاں گدوہ وتی بازارے بُرتگ اَنت  
ہر دزچک جنگل ء چَند ء شِزار اِت اَنت

آ انچیں بینگیں بارِگے اِت پتو  
تئی کندگاں گوشے زیمیر ہوار اِت اَنت

مرچی پہ مہلبیں نیادے ء راگوڑی  
 راہانی دیدگیں ساہگ ودار ات انت

لوٹ ات کہ در قدم امروز ء درباں  
 بے منزلیں بے دیدگ تہار ات انت

ذاکر من تنگہیں بازارے ء شُٹاں  
 ہر چم کدہ ء مہر شپار ات انت

\*\*\*

## O

دُرچک ءِ داراں منگہیں واب ءِ خمارے لوٹنگ  
سرگروکیں زندگی ءِ انتظارے لوٹنگ

مَدّتے بیت بڑتگلیں کُوکُوواں زیر شہتنگ  
مَدّتے بیت جنگل ءِ انچیں توارے لوٹنگ

موسمانی رنگ ءِ زینت دیدگے ءِ شہتنگ  
اے زمستان بستگیں آپ ءِ لوارے لوٹنگ

گڑیتگیں اِستال بُرز ءِ یکّ بچیلے جہل بنت  
بے چراگیں سرشپے ءِ بامسارے لوٹنگ

کُبل بُروانیں چراگاں قصّے لُنٹاں گنگ  
ایوکیں عہد ءِ پری ءِ دزگوہارے لوٹنگ

مرچاں ذاکر شیشگیں چہ نوبتانی دوچگراں  
سُوچن ءِ بندیکاں شہدیں اعتبارے لوٹنگ



## O

اے آپ ء دیم ء بینگیں ہوشام رتک ء سُت  
 دریا ء دُرئیں شہر ء بے وابی متک ء سُت

ہر دڑچک ء تاک گُزنگیں مُرگاں پہ سمبہیت  
 ماہ ء کہ گلزمین ء روزنائی پرتک ء سُت

ما زعفران کشت پہ تئی زُلیاں گوپتگیں  
 اُقارگانی آس نگاہاں درآتک ء سُت

تو انچیں چراگانی چڑھے مارا دات  
 تِناپیں راہے ء مئے بیوانکی تیک ء سُت

دروازگانی چمّ پہ دڑہباتے ء زَرانت  
 آساہگے ء رپت ء لوگ ء نہ آتک ء سُت

زیبائی یے چتوریں بازار ء سبزاتگ  
 ہر گُزنگ ء نگن پہ ایمان پتک ء سُت

## O

اے دہر ء شُشتگیں ملگور سمینیں حاجتے داراں <sup>1</sup>  
 من چمّے ء پہ وت گزریواں من چمّے ء ترا چاراں

اے شینک ء دیگر ء استال تئی ہمرائی ء بیا آنت  
 کجا زیر بہ ریچاں من کجا سوتے بہ سینگاراں

دُرئیں دروازگاں شہر ء وتی پوشاک مٹینت آنت  
 کجا دیدبائیں بازارے بہ دوچیت کش ء جالاراں

اے ہوشام ریدگیں موسم پد ء گورتچے بادینیت  
 بہ تنگیت آس دریاے زباد بُوئیں چہ انکاراں

نِداره گندیں آدینکے دُریں رنگاں بکنت معنا  
چو نودے ء رچیت بینگ زمین ء داگیں رخساراں

نگاہ ء باطن ء باگ ء اَنارے زیکّ پاشینتگ  
وتی دل پُشتگیں عہد ء کہیبانی پہ بیماراں

منارا جند ء لوگ ء ہم کسانیں ساہگے نیست انت  
پتو من چہ کُجا مرچی ابیریں ساہگے بیاراں

چراگانی تھا ذاکرّ چراگے روک کنیں پہ وت  
کپوت ء دژچک گیابان ء تہاری ء چہ بیزاراں

\*\*\*